

續修汶上縣志序

粵稽魯定公九年以

孔子爲中都宰制爲養生送死
之節長幼異食疆弱異任男
女別途道不拾遺器不雕僞
一年四方則焉迨召爲司寇

序

而冉子伯牛任之今汶上
者古中都也去

聖人之世雖遠而流風善政無
不班班可考後之蒞斯土者
亦甚厚幸焉余仰企也久歲
癸巳奉

命保障魯邦道經其治見庶民
多負山而居守桑麻之業瀕
汶一帶咸擅水土之利男知
耕而婦知織固知熙熙有古
樸風然山川風物民情土宜
非博覽所能盡者必待稽之

序

二

於書書非乘不備余於治政
稍有條晰之後緝閱郡志而
各屬詳載事宜毫無剩義此
皆前輩之留心經濟文獻足
徵實已占美于前矣及計核
歲月自康熙乙丑至今又三

十餘年未經繼續將恐漸至
湮沒無稽又思州邑之志倘
能繼踵纂輯庶可待以採擇
及閱各屬之志每多年久未
修而汶志獨自明萬曆戊申
至今尙未輯續能不懼愈久

序

三

而愈泯也因有通飭各修州
邑之志以圖續其郡乘越今
又三年所而汶邑侯聞君續
增縣志六卷抄錄底冊問序
於余余退食披覽見其應仍
者悉遵舊志應改者獨出新

裁可沿可革新舊並存雖於
體有異義然不自矜已長者
亦不沒前人之善耳且汝邑
諸山支分岱宗西潞四汝東
紆五泉山川鍾靈鬱積磅礴
故中都之封有新明

序

四

夫子稱善有啟期穆伯長不以
匪人汚文而投五百金之餽
馬孝興不懼關隴險阻而建
三千兵之功王景初路賓賜
不避權貴或抗疏被謫或直
諫增榮董天知王堯治純孝

性成或棄官省親或力作養
志詎非山川之所鍾靈者乎
况又有良吏唐如邢審容宋
如周師中博學能文寬猛適
宜一新庠序以藏息潔已進
修之士一建思聖堂育生徒

序

五

以自勵其他若趙可懷之內
擢而百姓有恃怙之思史誠
祖之 賜金而萬民留勸其
家於治是皆汗簡之所昭垂
足令後人矜式者也今聞君
治汝十年 惠心爲政莫不

儀型

聖賢之模範卽以所續之邑乘
觀之徵文於典謨微事于耆
舊摭蒐羅之蓄念發古今之
幽情皆精詳而無一毫之苟
簡然旣不苟簡于志乘者寧

序

六

肯苟簡於民事也耶余喜而
樂爲之序

曾

大清康熙五十六年歲舍丁酉菊
月知兗州府事加三級紀錄
十五次前戶部陝西清吏司

郎中山陰金一鳳撰



序

七

續修汶上縣志

今之郡邑卽古侯國也國各有史如魯爲春秋晉爲乘楚爲檮杌其較著矣史也者志也山川之險易則志之城郭都邑之建置則志之風俗之奢儉厚薄忠孝節義之彪炳政治損益之得失靡不志之所

序

以存掌故示法守昭事跡於已往而垂不朽於將來舊典也亦盛事也雖彈丸黑子之地猶思網羅傳述而况這都大邑地近鄒魯化炙聖賢山河壯其表裏人物鍾其靈秀如汶上者顧可聽其殘缺使問俗觀風者茫乎無可考耶歲戊子

余膺

簡命來牧茲土入境之初見金湯鞏固
市井稠密諸水滌洄於西南羣峯
聳峙於東北沃野平原縱目無際
顧而樂之抑又滋懼兢兢焉慮弗
克負荷也夫汶爲古中都

先聖之所過化倘敷政蒞民罔所觀
序

二

法不惟選曠貽羞夙昔誦法聖賢
柰何服官而忘之耶於是取邑乘
而披閱之見其方域有志建置有
志職官政紀宦蹟人物以及雜稽
藝文莫不有志較若列眉瞭如指
掌嗚呼盛矣獨其書修於前代萬
曆中年距今百餘載矣雖山川無

恙城郭依然然而生齒之繁衍利弊之興革井里之變遷能無今昔之殊歟官斯土者歷幾何人矣撫字安全遺澤未遠仰其棠而思說芟者正未有艾也文人碩士鷗化鵬搏與士大夫之爲善而化於鄉愚夫婦之率性而行所獨是者其文

序

三

采風流又烏容湮沒弗彰乎因慨然有志續輯又以邑苦衝疲民貧而事擾碌碌簿書日無寧晷是以有志未逮也邇來十歷寒暑矣民之勞者漸以息事之劇者漸以理庭無滯訟官有餘閒乃事纂修之役適逢

郡憲金大人謀修郡志徵蒐邑乘
遂從縉紳家購得續編圖議手錄
二冊叅酌損益倣前之條分縷晰
者而載筆從事焉宜因者仍之宜
補者增之文省於前事加於舊俾
百餘年來山川之形勢城郭之興
廢與夫風俗之奢儉厚薄忠孝節

序

四

義政治損益之實蹟一一如列眉
如指掌凡兩閱月而告竣庶可與
舊章並傳而有以供輶軒之採矣
雖然作史推三長古人難之歐陽
文忠公文章冠天下猶不敢易言
矧余謏陋特藉手邑之文獻以觀
厥成安知無謬訛而疎漏者卽果

無謬訛無疎漏而此後數年更數
十年時移勢遷其爲謬訛而疎漏
者又寧第以一二計耶是又在後
之愛我者糾而正之而余固殷然
早有所厚望也已

大清康熙五十六年歲次丁酉秋七月
文林郎知汝上縣事加三級紀錄
序

八次錢唐聞元炁撰



續修汝上縣志目錄

卷之一

方域志

沿革

詳見舊志

疆域

詳見舊志

星野

詳見舊志

山

詳見舊志

川

泉湖開壩口附

建置志

城池

公署

學校

壇祠

編里

詳見舊志

卷之二

職官志

汝上縣志

卷之一目錄

官師表

卷之三

政紀志

戶口

刑賦

選舉

武科附地封附

風俗

詳見舊志

卷之四

宦蹟志

列傳

人物志

列傳

卷之五

雜志

災祥

物產

詳見舊志

古蹟

詳見舊志

御幸

陵墓

寺觀

詳見舊志

宮室

詳見舊志

卷之六

藝文志

詩

文

奏議

汝上縣志

卷之一

目錄

一一

續修汶上縣志凡例

一志者志一邑之山川風土人物以及戶口田賦古蹟物產之詳不容畧也乃汶自兵燹後典冊散軼故老無存多方採輯僅得遺編二冊據爲釐正未敢遂謂得窺全豹也廣搜續入尙有望於後起者

一舊志編輯出自前輩名手褒貶公而筆削嚴詎容改易今存舊冊於前顏曰汶上縣舊志而今修者則顏以續修汶上縣志新舊並存庶不至自矜已長而沒前人之善也

汶上縣志

卷之一 凡例

一舊志分門比類綱目井然今悉仍之無庸增者則於分門下註以詳見舊志四字宜增者則續以叙言使觀者寓目瞭然不苦繙閱之難

一舊志方域建置分爲二卷今以方域所志沿革疆域星野山川舊志已詳新入者止泉閘數則不足成卷因并建置志爲一卷又宦蹟人物原分二卷今宦蹟止五則遂并人物志爲一卷蓋總前之八卷爲六卷云

一田賦之制今昔各異遠者亦無可稽今惟遵照康熙五十六年賦役全書逐項清列以昭

本朝畫一之規

一名宦鄉賢舊志各有傳述今續採者俱補小傳
其有治功可傳月日無忝者雖未列祀典亦據
輿論述之以勵將來

一列傳以表懿媿非紀爵也故德隆者不妨以儒
生而先公卿亦或有先後失序者要在不没人
善政不必拘拘世次也且本傳宜槩括簡淨足
傳其人而止若瑣瑣鋪敘便類家譜行述非邑
乘矣

一忠孝節烈自世變滄桑以來見之輿論者頗多
汶上縣志 卷之一 凡例 二

其人其曾經 旌表者固不敢遺卽未邀
國典而公論咸孚者亦備列之以表幽光

一詩文奏議必有關 國計民生山川人物者始
爲採錄否雖舌吐蓮而筆生花槩不敢收

一見任官師及見在縉紳學士槩不立傳遵古訓
也且恐涉諛貽譏將來

續修汶上縣志卷之一

西泠開元吳續編

沿革 詳見舊志

國朝因勝國之舊仍屬兗州府東平州汶上縣

疆域 詳見舊志

星野 詳見舊志

山 詳見舊志

川 泉河口壩湖附

續敘曰名山大川古誌之矣然嶽瀆而外峙者流者不過為幽人韻士留勝境增憑吊已耳豈必

汶上縣志 卷之一 方城

一勺一滴皆繫 朝廷命脉哉惟汶邑湖泉

悉關漕運咽喉故蓄洩制度均無庸畧雖舊志多載然僅存其名未詳其制且散在各帙查閱不便又或前無而後創昔微而今著所係既鉅均應詳之無間新舊矣

湖 岡壩附

西湖長隄 卽南旺湖也嘉靖二十二年主事李夢祥築四圍長堤一萬五千六百餘丈萬曆十九年除幫湖運隄三千六百丈幫築湖隄南西北三面共一萬二千餘丈復添築東面子隄一

千二百八十丈

長堤阻隔湖水以護民田且通
輦鉅大道康熙四十年知縣

甘國墀重修有井公
堤碑

西湖斗門 在漕河西岸水漲則洩入西湖蓄以
濟運舊係土堤成化四年僉事陳善始砌石堤
嘉靖間重修崇禎間以湖涸無水濟運遂廢淤
塞多年至康熙十九年運河廳任復䟽通之今
填現在詳修

西湖水櫃 原地二千七百頃嘉靖間主事李夢
祥環築堤岸一萬五千六百丈有奇隨堤內開
大渠長與堤等又以湖身北高南下復穿小渠

汶上縣志

卷之一 方域

二

二十餘道縱橫連絡使湖水通流以備濟運制
甚善也今皆淤平非復前規矣康熙十七年濟
寧道葉清除子堤畫界高亢地及宋尙書白老
人香火地共二百八十頃其餘二千四百餘頃
爲水櫃第祀田無定額每以盜種疊控知縣聞
詳明撫三院每姓各種四十頃內禮生四名
各種五十畝外築長堤分界庶民難侵占官易
稽查而且堤岸高則蓄水深其於濟運更有當
矣

蜀山湖長堤 蜀山湖周廻六十五里嘉靖間主

事李夢祥創建東堤蓄水濟運其堤自馮家壩起至蘇魯橋止共長三千五百一十丈屬嘉祥者自馮家壩至孫村二千三百四十四丈屬汶上者自孫村至分水口南一千五百丈收蓄汶水原有南月河口林家村口田家樓口胡家樓口而無子堤每水大則出長溝滾水壩入馬場湖而壩自明季久廢現從蘇魯橋陳蔡口注之今本壩以北別有歲築草壩一道兩頭洩瀉接聯湖堤其東北受水處有植柳以禁侵田內有宋尙書香火地六頃詳見河防一覽

汶上縣志

卷之一

方城

三

南月河閘 成化年建與南旺上閘相對明季久廢康熙十八年運河廳任移建利運閘在寺前舖北係嘉祥縣地方如遇旱乾水淺舟行不利則啟板放蜀山湖水以濟運故名之曰利運寺前閘 係嘉祥地方北距南旺上閘十五里距城四十七里正德間通政韓鼎建

南旺上閘 一名柳林閘在分水口南其北距南旺下閘九里距城三十九里康熙五十年知縣聞 重修

南旺下閘 一名十里閘在分水口北其北距開

河開十五里距城三十九里二閘俱成化六年
郎中楊恭建萬曆二十七年主事胡璿重修

康熙四十八年知縣開 重修

開河閘 北距袁家口閘十二里距城三十五里
元至正間建永樂九年重修月河長一百二十
六丈

袁家口閘 北距新家口閘十八里距成三十里
正德間郎中商良輔建康熙五十一年知縣開
重修月河長九十九丈 南自孫村交界
北至新家口交界其長五十六里半

汝上縣志

卷之一 方域

四

月河閘二 在分水口上下今廢

減水閘九 曰焦藥曰盛進曰張全三口在柳林
閘南曰邢通曰孫強曰彭室三口在柳林閘北
口劉亥日常名曰關家大三口在十里閘南俱
在漕河西岸水漲則放入西湖水淺則收以濟
運

滾水石壩 長五丈在漕河西岸五里舖側水大
洩入西湖以防衝決萬曆十七年建

淺十四 詳見舊志

沂月河 舊月河原在漕河東岸與堪相近因大

堤下歲挑淤沙積而成山一遇霖潦沙仍溜入河內且夫役挑濬時深苦負重登陟康熙十八年總河靳委運河廳任於舊月河西百五十步之邢家林改挑新月河一道以吐納汶水并將淤沙填入舊河四顧蕩平永無淋沙之患誠快事也

寄沙囊 沙堆既平又慮歲歲挑濬不久沙堆如故非長策也復移沙於東濬渠周圍四五百步東西短而南北長儼如囊形歲納歲轉不使沙土久積故名之曰寄沙囊康熙十九年運河廳

汶上縣志

卷之一

方域

五

任創制

南月河口 此卽康熙十八年改挑新月河也距分水口二百餘步距大壩一百餘步如大挑築壩及合龍門則驅汶水自月河口入湖工竣仍放水出湖入漕漕滿卽塞口不使湖水走洩是月河一口能收能放有吐納之義焉

北月河口 距分水口百餘步原借收汶水蓄以待濟後以湖勢窪下此口不能出水遂於上源里許徐儉口開放湖水入汶濟漕至康熙二十三年奉文開新河頭借湖送運糧艘大利是新

河之功又不在徐儉下矣

馬踏湖長堤 幫湖運堤自禹王廟起至弘仁橋止二千六百六十三丈其湖堤亦自禹王廟起弘仁橋止共三千三百餘丈築爲土堤收蓄汶水原有北門河口王士宜口徐儉口亦無子堤也

泉

龍鬪泉 距縣東北五十里出雲尾村土中
薛家溝泉 在龍鬪泉東出土中流一里下會龍鬪泉

汶上縣志

卷之一 方域

六

老源頭泉 在龍鬪泉東北出土中地名陶城流
二里下會薛家溝泉

雞爪泉 在龍鬪泉東一里出陶城土中流一里下會龍鬪泉

玲璫泉 卽舊志趙家橋泉左右二小泉是也距

龍鬪南三里出渠村土中流四里會入坡石橋
灤溝泉 距縣東北五十五里出寧陽縣羅山村土中距龍鬪泉三里流三里十三步同會坡石橋
以上六泉以龍鬪爲主而渠道同會坡石橋中西流九十五里入汶河濟運

曰馬踏湖在汝河堤北周回三十四里夏秋水漲

俱有菱芡魚鱉菱荻蔬蒲之利居人賴焉秋夏之

間菱荷錦張燦若曉霞遊者擬諸江南之勝矣

溝之有可名者九其導龍崗諸泉逕蒲灣灤以入

汝者為魯溝受諸山潦以注蒲灣者為南北泉溝

及洪溝蒲灣之西北為沙溝其南分蒲灣之水以

遶城下者為郭家溝邑之西南有柳溝響水溝又

聖泉河舊名黑馬溝

泊之關於漕者為蒲灣李太白所咏城隅距邑北

三里一名仲勾泊一名五花池蓋魯溝自軍德橋

汝上縣志

卷之一 方域

而下遂無堤岸水因漫出合於停潦周回民田多

沒焉其水出柏浪橋逕周家河入汝議者欲自軍

至木郎橋防泉走洩乃民漕便計也又此泊舊有

支流由郭家溝逶迤城下西南入蜀山湖昔流賊之

亂攻劫城邑左經邑之東南為塹王石橋泊

拔劍泉水匯焉即標行泊也民嘗乘旱占西南為

釣臺泊則馬踏之餘浸也若魚營周回四石樓周

三十二泊秋夏水漲永用不殫然來牟之入常倍

餘田是稱沃土矣

窪之大者為宋家窪在邑西四十里郟邑馬蓮龍

顛諸泊之水匯焉

經旱水涸民嘗占種遂籍徵糧

其旁為韓家窪寺前閘之北為尹家窪近於城者為黃泥窪潦水所注也可導之出舊平其在城內治橋遠城下西南入蜀山湖之隅者為常家窪洛家窪單家窪雖周回無幾而奪民居已十之三矣

汶之決口相比如櫛指不勝屈也計其大者則草橋迤上有曹家口七級口大堤口魏家口赤家口

隋家口草橋迤下有王延口劉盤口近議於此直開支河以達

南旺似拂水之性洩漕以病民已何家口馬家口王堂口

按南旺會通河之脊也元人過汶奉符以達任城每至此而舟膠焉自宋司空分汶於此而漕始利矣然汶之神於漕者八十有八之泉也非潦也故壩於戴村以防其洩而攻河歲築沙壩

汶上縣志 卷之一 方域 八

以聽潦之決焉蓋以潦水汨濁性復湍悍勢性分洩則力之所衝始微淤之所挾始寡堤不歲潰淺不歲填民田亦不歲沒厥利溥矣萬曆戊子間歲旱泉涸疏濬復廢而漕艘始梗行水者見四汶河身漸以淺狹上流之勢危欲西趨石壩聿築潦始為害春鍾之役無歲不勤夫額弗充漸及里甲崇原平隴變為沮洳結茅積稼或隨浮苴舒司空開渠河口之下蓋深知前人之非而重毀其功也然汶水挾潦而注西觸於石驟折以南其勢彌怒故患終不免耳或疑潦盡洩則湖水或減不知沙壩之時潦非盡西也若今之汎濫則盡厥諸閘及斗門洩之猶襄隄沒岸舟禁不行豈湖之所能蓄耶願司水衡者濬泉防湖監臨欄座復於四汶河身務求深廣如宋司空時則南洋之勢駛矣若流潦是需待命於天脫值亢旱將何以濟詎所以為國家長計哉

汶上縣志卷之一終

續建置志

城池

續敘曰邑設城池所以宅民而禦暴也金湯之制可勿飭哉汶城建修載在舊志者詳矣後毀於兵國初復修之經今多年迭遭淫雨女墻多圯內外磚土亦多頽潰司土者雖厯未雨綢繆之思而工大費廣正非可一時告竣者也

城

邑城週十二里明末盡圯順治初年知縣湯之紀暫葺守禦至十年知縣雷一龍重修始完復壞汶上縣志卷之一建置一
康熙五十三年知縣聞立窰燒磚費金千餘僅修南北二門餘現在設法重修

公署

續敘曰國家設官以治民卽立之署以聽政前堂後室所不廢也邑署修廢具詳舊志賴後之人踵事增華故輪奐常以臨蒞之所翼翼焉則相繼而任其事者烏容泯泯耶

縣治大門順治十三年知縣雷一龍重修

儀門萬曆四十五年知縣如錦建修康熙五十五年知縣聞元昊重修

大堂順治六年知縣鍾國用建修康熙五十年知縣聞元炁重修

戒石亭在大堂前順治十六年知縣呂兆璜重修康熙五十五年知縣聞元炁重修

土地祠在儀門東崇禎十二年知縣馬如釋重修
思聖堂在二堂西順治十三年知縣雷一龍重修
康熙十四年知縣孟溫時重修四十五年知縣甘國墀重修

學校 義學附

續敘曰學宮興廢之由舊志具載戊申以後又不

汶上縣志

卷之一 建置

二

知幾經補葺矣人才首善之地詎可或畧耶今之巍然煥然者厥功不歷歷可辨乎詳而誌之所不容已矣

聖殿康熙十一年教諭張貞一重修有碑記見藝文

東廡康熙三十九年知縣樊紹祚重修

西廡康熙元年知縣汪震元重修

櫺星門東西坊俱康熙十一年歲貢生郭文亮重修
康熙五十五年知縣聞元炁重修

各宦祠黌門戟門俱康熙五十四五兩年知縣

闕元炁重修

明倫堂順治十七年知縣呂兆璜重修康熙十年
教諭叢貞一重修

敬一亭康熙十一年教諭叢貞一重修

啟聖祠康熙十年教諭叢貞一重修康熙五十五
年知縣聞元炁重修

儒學門康熙十一年教諭叢貞一重修

魁星樓康熙十六年知縣孟遇時建修工未完去
任十九年監貢路松齡成之復北康熙

歲貢生郭文亮重修

汶上縣志

卷之一

建置

三

講書堂在縣治東南內供至聖大像康熙五十五
年衍聖公建修

南旺義學康熙四十一年運河廳羅 創建有碑

記見藝文五十六年二月主簿李錦重修

遂寧張公書院在南旺康熙四十九年濟寧道許
建修

壇祠

續敘曰巫鬼之事君子不道若崇德報功列在典
章則炳炳烺烺司蒸嘗者又烏敢遺耶

城隍廟大殿兩廡大門戲樓俱康熙四十八年以

後知縣聞元炁重修有碑記見藝文

八蜡廟在東關久廢僅存基址康熙五十一年知縣聞元炁建修有碑記見藝文

梁太師王彥章祠在西關久圯康熙五十六年知縣聞元炁現在興工建修

禹王廟在南旺分水口康熙十九年總河靳改

建有碑記見藝文五十五年知縣聞元炁重修分水龍王廟明初勅建康熙十四年運河廳葉

重修康熙五十五年巡撫蔣運河廳徐知

縣聞元炁捐俸重修有碑記見藝文

汝上縣志

卷之一

建置

四

宋尙書祠明正德間勅建康熙十九年運河廳任重修五十五年知縣聞元炁重修

呂公生祠在新橋驛東康熙庚申年爲邑令呂公兆璜建

汪公生祠在儒學門西康熙十年爲邑令汪公震元建

雷公生祠在城隍廟西康熙丙申年爲邑令雷公一龍建

續修汶上縣志卷之二

西泠聞元貝續編

續職官志

續敘曰親民之官莫重於今是一行作吏而父母斯民之責屬之矣令掌治丞簿分猷博士司教顧名思義稱職不綦難哉萬曆戊申前蒞斯土者具列舊志後遂泯泯矣於今考昔姓氏具在口碑昭然詳而揭之亦當世得失之鑒也為續職官

官師表

汶上縣志

卷之二 職官

明

知縣

縣丞

主簿

典史

天啟

范文若

董有德

江南上海人由進士
元年任調
繁秀水
有傳

直隸鉅鹿人由監生
萬曆三十
八年任

徐州儒

陝西固原人由舉人
二年任

楊忠誨

楊子國

山西人
舉人七年
任陞順天
府治中

崇禎

朱如楫

四川重慶
人由舉人
元年任

許大倫

陝西榆林
衛人由選
貢五年任

雷柱

陝西郃陽
人丁三年
任

王鎰

陝西同州
人由進士四
年任調繁
東阿有傳

汶上縣志

卷之二

職官

劉通

四川重慶
人由舉人
六年任

譚元方

湖廣景陵
人由舉人
八年任陞
蘇州同知

段文炳

江西吉安
人由進士
十年任重
修城池

葉增光

陝西西安人由舉人十二年任

馬如釋

順天府人由舉人十四年任

謝誥

陝西人由舉人十五年任

安紹先

陝西延安人由舉人

汝上縣志

卷之二 職官

十六年任
守城殉難

皇清

高荐

山西人由貢元年任

邊惟明

北直任丘人由舉人二年任

阮光祖

浙江會稽人由例監元年任

劉德玉

華州人由吏員七年任

顧安民

福建人由吏員二年任

王思問

陝西富平人由吏員六年任

李先春

浙江會稽人元年任

陳文煒

浙江會稽人四年任

梁遂

河南鹿邑人由進士四年任調繁武義縣

朱家屏

山西長子人由貢十

趙應乾

河南太康人由吏員

張國紀

陝西清澗人十一年任

湯之紀

江南石埭人由貢五年任

六年任

十二年任

鍾國用

遼東人六年任禦寇有功民得安梳

張國

北直肥鄉人十三年任

雷一龍

北直通州人由進士八年任行取禮科給事中

汝上縣志

卷之二

四

呂兆璜

河南新安人由貢十年任陞知州

汪震元

江南休寧人由貢十年任行取刑部主事

康熙

錢達

浙江餘杭人由吏九年任

向經

四川巫山人由貢元

鄒之燦

浙江紹興人由吏元

王楨

湖廣蘄州人元年任

年任

孟遇時

遼東錦州人
由舉人
十二年任
重修思聖堂

年任

朱選

江陰人
由進士
三年任

年任

林蔚

江南江平人
由吏
六年任

年任

聞德新

浙江仁和人
十七年任

趙印

陝西富平人
二十二年任

李文瀾

遼東開源人
由監生
十七年任

侶楠

北直清豐人
由貢
八年任

何成桂

浙江會稽人
由吏
七年任

湯爾賢

浙江蘭谿人
二十五年任

王之友

陝西韓城人
由舉人

沈武音

浙江仁和人
由貢
十四年任

劉澤沛

北直通州人
由監生
十九年任

崔泌

汶上縣志

卷之二 職官

五

二十年任

張于七

河南長葛人
由拔貢
十九年任

上官濱

江南江寧人
由吏
二十年任

北直定州人
三十三年任

尚崇壯

奉天海城人
由廩生
二十二年任

呂元韻

北直威縣人
由拔貢
二十三年任

魏萬捷

陝西富安人
由吏
二十五年任

賀天祐

浙江山陰人
三十六年任

應大用

河南鄆城人
由進士
二十六年任

江森

江南旌德人
由恩貢
二十五年任

羅縉

河南人
由監
年任

金維垣

順天文安人
四十四年任

王紹中

北直武強人
由舉人
三十年任

賈樸

浙江人
由吏
三十一年任

徐旭

順天梁城人
五十年任

陳日講

白文璜

廬山白旗人
由例監生
十二年任

霍炎

江南武進人
由貢生
十一年任

劉聲浩

山西絳州人
由監生
三十六年任

年任

一年任

樊紹祚

直隸文安人
由進士
三十一年任

順天大興人
由貢監
四十二年任

陳謨

江南丹徒人
由監生
四十六年任

卞國墀

正藍旗人
由監生
十二年任

李耀宗

廣西新寧州人
由歲貢
五十二年任

汪友縉

江南太倉人
由監生
五十一年任

馬繼周

順天大興人
由監生

汶上縣志

卷之二

職官

六

聞元炅

浙江錢塘人
由舉人
四十七年任

五十二年任

李錦

廣東人
由監生
五十年任

明

教諭

訓導

開河驛丞

新橋驛丞

張應大

山西陽曲人由舉人
萬曆三十九年任

陳一綬

遼東義州人由貢生
萬曆四十五年任

邵以嵩

貴州普安人由舉人
萬曆四十六年任

汶上縣志

卷之二 職官

七

崔若岱

萊陽人由貢生
二年任

崇禎 馮珠

廣東南海人天啓五年
陞江南知縣

馬肇畫

河南葉縣人由貢元
年任

許如高

直隸永平人由貢生
三年任

侯柱

北直雞澤人由貢生
五年任

韓玉野

清平人由
貢五年任

葉世龍

浙江人由
貢八年任

鄭邦俊

雲南人由
貢八年任

孫如竹

卽墨人由
貢八年任

皇清

順治

高所向

曲士標

徐丕揚

李志高

汶上

縣志

卷之二

職官

八

武城縣人
由貢五年任

蓬萊人由
貢五年任

四年任

二年任

袁道

方共

蔡陽訓

江耿光

德州人由
貢十年任

十年任

四年任

掖縣人由
貢十年任

劉計邦

葉萬倉

張經世

北直人十
六年任

十二年任

齊東人由
貢十五年任

沈祚永

張萬育

任

浙江人十
八年任

十二年任

康熙

王璩

徐來聘

張名振

秦士傑

博平人由
貢十六年任

清平人由
貢四年任

陝西富安
人十二年任

十六年任

李時中

楊書有

補平八由
貢十九年
任

安丘人由
貢七年任

李繼亭

北直完縣
人十八年
任

徐元奉

長清人由
貢二十一年
任

叢貞一

蓬萊人由
貢八年任

張弘仁

河南柘城
人二十八年
任

李生梓

樓霞人由
貢三十五年
任

林日章

黃縣人由
貢十一年
任

溫如玉

陝西華州
人三十五年
任

鍾時發

汶上縣志

卷之二 職官

九

樂安人由
貢四十四
年任

周典

博平人由
貢二十年
任

陝西臨潼
人四十二年
任

張介禎

齊河人由
副榜貢四
十九年任

蔡爾桂

泰安人由
貢二十五
年任

黃琮

順天通州
人四十六
年任

劉聯弟

高唐州人
由貢二十
九年任

范研甄

汶上縣志

卷之二 職官

范縣人由
貢年任

張黃玉

萊陽人由
貢年任

馬會

博興人由
貢年任

李永峻

肥城人由
貢五十二年任

續修汶上縣志卷之三

西冷開元昉續編

續政紀志

戶口

續叙曰汶邑昔稱繁庶舊志可考迨兵燹頻仍而村舍丘墟斯蒼赤寥落矣我

國家休養數十年四郊樂業生齒蕃盛顧瞻閭閻繁庶不依然哉况奉

皇恩天下人丁以五十二年額數為定以後止將孳生

冊上報永不增賦則自茲以往生生聚聚當不

汶上縣志

卷之三

政紀

一

勝庶哉之嘆矣為續戶口

原額不分等則一例人丁七萬五百七十一丁每丁徵銀九分七厘共該徵銀六千八百四十五兩三錢八分七厘內

除逃亡併優免人丁四萬五千三百六十四丁該免銀四千四百兩三錢八厘

見在當差人丁二萬五千二百七十一丁共徵銀二千四百四十五兩七分九厘

田賦

續叙曰汶邑東北多山一望嵒嶠西南多水半屬

澤國所稱膏腴殆無幾耳前朝以四則定賦庶
幾古者則壤遺意乃法久弊生高下紛淆莫可
查稽此崇禎年間不分等則一例徵輸之所自
始也然濟土與沃壤均輸失底慎之意矣取便
一時貽害後世誰實爲之徒令後之司牧者付
之末可如何也爲續田賦

原額不分等則一例徵糧地一萬六千八百九十
六頃一十二畝八分二厘每畝徵正供襍辦併
九厘胙衣等銀二分七厘六毫二絲九忽六微
四纖七沙五辰四渺八漠共徵銀四萬六千六

百八十三兩四錢六厘七毫九忽一微七纖九
沙每畝徵麥六勺二抄一撮四圭四粟四顆共
徵麥一千五百七石每畝徵米五合六勺一抄四
撮九圭七粟三顆共徵米九千四百八十七石
一斗三升內

除荒地一千九百九十六頃八十二畝三厘一毫
一忽該免銀五千五百一十七兩一錢四分四
厘一毫三絲八忽三微七先九沙四渺六漠麥
一百二十四石九升一合四勺八抄五撮五圭
七粟八顆米一千一百二十一石二斗八合八

勺二抄九撮七圭二粟六顆九粒

成熟地一萬四千八百九十七頃六十八畝七分

八厘八毫九絲九忽徵銀四萬一千一百六十

一兩七錢八分六厘五毫六絲七忽八微九纖

九沙九塵五渺四漠徵麥九百二十五石八斗

七合八勺四抄四圭九粟四顆徵米八千三百

六十五石一升一合五勺四抄四撮六圭四粟

七顆一粒

又康熙五十五年起科勸墾地一頃六十二畝徵

銀四兩四錢七分六厘二忽九微麥一斗六勺

汶上縣志

卷之三 政紀

三

七抄三撮九圭二粟八顆米九斗九合六勺二

抄五撮六圭二粟六顆

以上成熟併勸墾二頃其地一萬四千八百九十

九頃三十畝七分八厘八毫九絲九忽共徵銀

四萬一千一百六十六兩二錢六分二厘五毫

七絲七微九纖九沙九塵五渺四漠共徵麥九

百二十五石九斗八合八勺一抄四撮四圭二

粟二顆共徵米八千三百六十五石九斗二升

一合一勺七抄二圭七粟三顆一粒

原額額外荒田地一百二十三頃七十五畝一厘

六毫一絲三忽每畝徵銀三分共徵銀三百七十一兩二錢五分四毫八絲三忽九微內

除荒地一百九頃九十一畝九分八厘八毫一絲三忽該免銀三百二十九兩七錢五分九厘六毫四絲三忽九微

成熟地一十三頃八十三畝二厘八毫共徵銀四十一兩四錢九分八毫四絲

更名庄田原額地一千四百五十三頃八十七畝八分一厘二毫全熟每畝徵租銀六厘一毫共徵銀八百八十六兩八錢六分五厘六毫五絲

汶上縣志

卷之三

政紀

四

三忽二微每畝外徵紙紅公費銀一厘四毫一絲八忽九微六纖三沙五塵一渺共徵紙紅公費銀二百六兩三錢

更名庄田原額大畝地三十三頃五十五畝內

白馬廩坡當山曇山屯原額共地二十一頃九十五畝每畝舊徵租銀一錢共徵銀二百一十九兩五錢內

除荒地一頃四十四畝六分一厘該免銀一十四兩四錢六分一厘

成熟地二十頃五十畝三分九厘共徵銀二百五

兩三分九厘

碎山廠原額地二頃四十畝全熟每畝舊徵租銀六分五厘共徵銀一十五兩六錢

馬庄廠原額地九頃三十畝全熟每畝舊徵租銀四分共徵銀三十六兩八錢

原額馬場租地八頃八十畝六分一厘九毫五絲每畝徵銀二分七厘八毫六絲七微五纖二塵七渺九漠共徵銀二十四兩五錢三分四厘七毫二絲內

除荒地六頃六十二畝五分一厘九毫五絲該免

汶上縣志

卷之三

五

銀一十八兩四錢五分八厘二毫九絲三微六纖

成熟地二頃一十八畝一分徵銀六兩七分六厘四毫二絲九忽六微四纖

原額湖租地八十二頃六十八畝六分八厘全熟每畝徵銀四分共徵銀三百三十兩七錢四分七厘二毫

原額籽粒地四頃六十二畝三分五厘全熟每畝徵銀二分共徵銀九兩二錢四分七厘

原額沿河賃基一千二百七十間每間徵銀三分

共徵銀三十八兩一錢

原額學田地一頃七十九畝每畝徵租銀六分共徵銀一十兩七錢四分內

除荒地五十三畝該免銀三兩一錢八分

成熟地一頃二十六畝徵銀七兩五錢六分

河灘地一十三頃七十七畝三厘五毫每畝徵租銀四分共徵銀五十五兩八分一厘四毫

以上丁地共徵銀四萬五千四百五十兩二錢四分九厘九絲三忽六微三纖九沙九塵五渺四漠徵麥九百二十五石九斗八合五勺一抄四

撮四圭二粟二顆徵米八千三百六十五石九斗二升一合一勺七抄二圭七粟三顆一粒又請議歸併漕截銀兩等事案內漕糧項下奉文每正米百石加潤耗銀五兩米五石共該加潤耗銀二百八十六兩五錢九分八毫一絲八忽米二百八十六石五斗九升八勺一抄八撮又運軍行糧閏月銀麥歷係遇閏之年加於地畝內徵解今康熙五十五年係閏月之年應增閏月銀四兩四錢一分三厘九毫麥三十二石一斗一升六合一勺又班匠銀五十二兩六錢五

分在欽遵悉心等事案內於康熙四十一年奉
文攤入地畝項下徵解連前通共實徵銀四萬
五千七百九十三兩九錢三厘八毫一絲一忽
六微三纖九沙九塵五渺四漠實徵麥九百五
十八石二升四合六勺一抄四撮四圭二粟二
顆實徵米八千六百五十二石五斗一升一合
九勺八抄八撮二圭七粟三顆一粒內除臨清
倉米一千二百一石一斗五升六勺九抄四撮
二圭七粟一粒奉文每石折銀八錢該折銀九
百六十兩九錢二分五毫五絲四忽七微一纖
一合二勺九抄四撮三顆

汝上縣志

卷之三

政紀

七

成熟行差地每畝併臨米改折共征銀二分八厘
五毫五忽二微四纖六沙九渺七漠每畝征麥
六勺四抄三撮二顆一粒每畝征米五合一撮
一圭四粟五顆九粒

一起運

戶部銀二萬六千三百一十四兩五錢五分六厘
六毫四絲二微七纖二抄九塵五渺四漠

又新增銀四兩三錢八分三厘六毫一絲七忽四微五纖

三項共銀二萬六千三百一十八兩九錢四分二毫五絲七忽七微二纖二沙九塵五渺四漠

起運折色脚價銀五十三兩九錢六分四厘九絲七忽六微五纖

一本色

黃蠟一十九斤九兩九錢九分九厘九毫每斤一錢五分五厘微銀三兩四分一厘八毫七絲四忽三纖

汝上縣志

卷之三

政紀

八

脚價銀二分四厘三毫三絲四忽九微九纖

綿花絨四斤七兩四錢三分二厘九毫照依部

定價值每斤微銀七分共微銀三錢一分二厘

五毫一絲八忽九微三纖七沙五塵

鋪墊銀四分四厘六毫四絲五忽五微六纖二沙

五塵

脚價銀二厘五毫一微五纖

牛角弓面三付四分六厘九毫六絲九忽七微照

依部定價值每付微銀七錢共微銀二兩四

錢二分八厘七毫八絲七忽九微

又新增牛角弓向三絲三忽七微一織徵銀二毫
三絲五忽九微七織

二項共牛角弓面三付四分七厘三忽四微一織
徵銀二兩四錢二分九厘二絲三忽八微七織
一漕糧

兌軍攢運本色正耗米七千一百六十四石七斗
七升四勺七抄六撮三顆

輕賚銀四百五十八兩四錢九分五厘四毫五絲
二忽八微七織

又新增銀四分九厘八毫五絲七忽五微八織

汶上縣志

卷之三

政紀

九

二項共銀四百五十八兩五錢四分五厘三毫一
絲四微五織

蓆草銀五十兩二錢五分三厘五毫三絲三忽四
微七織

又新增銀五厘二毫三忽六微五織

二項共銀五十兩二錢五分八厘七毫三絲七忽
一微二織

腳價銀一百五兩八錢一分七厘九毫六絲五忽
二微

又新增銀一分九毫五絲五忽四織

二項共銀一百五兩八錢二分八厘九毫二絲二微四纖

潤耗銀二百八十六兩五錢五分九厘六毫五絲七忽

又新增銀三分一厘一毫六絲一忽

二項共銀二百八十六兩五錢九分八毫一絲八忽

潤耗米二百八十六石五斗五升九合六勺五抄七撮

又新增米三升一合一勺六抄一撮

汶上縣志

卷之三

政紀

十

二項共米二百八十六石五斗九升八勺一抄八撮

一運軍行糧

本府廣盈倉小麥九百二十五石八斗七合八勺四抄四圭九粟四顆

又新增麥一斗六勺七抄三撮九圭二粟八顆

二項共麥九百二十五石九斗八合五勺一抄四撮四圭二粟二顆

府庫鹽鈔銀一百一十九兩六錢八分六厘九毫八絲七忽一微三纖

又新增銀一分二厘四毫六絲三忽二微三纖
二項共銀一百一十九兩六錢九分九厘四毫五
絲三微六纖

閏月銀四兩四錢一分三厘九毫

閏月米三十二石一斗一升六合二勺

一倉糧

臨清倉本色正耗米一千二百一石二升九抄三

撮三圭三顆一粒

又新增米一斗三升六勺九圭六粟七顆

二項共米一千二百一石一斗五升六勺九抄四

汶上縣志

卷之三 政紀

十一

撮二圭七粟一粒每石折銀八錢該折銀九百

六十兩九錢二分五毫五絲五忽四微一纖六

沙八漚

蓆草銀九兩五錢七分五厘五毫八絲九忽七微

七纖

又新增銀九毫九絲一忽三微三纖

二項共銀九兩五錢七分六厘五毫八絲一忽一

微

腳價銀一百二兩三錢七厘六毫一絲六忽九微

八纖

又新增銀一分五毫九絲一忽六微三纖

二項共銀一百二兩三錢一分八厘二毫八忽六微一纖

盤費銀二十兩一錢五分九厘一毫三絲六忽三微二纖

又新增銀二厘八絲七忽二纖

二項共銀二十兩一錢六分一厘二毫二絲三忽三微四纖

一學院錢糧

學租銀七兩五錢六分

汶上縣志

卷之三 政紀

七

以上起運本色正費併漕糧潤耗及學租通共實
征銀一千一百七十兩八錢八厘四絲六忽七
微六纖實徵麥九百五十八石二升四合六勺
一抄四撮四圭二粟二顆實徵米八千六百五
十二石五斗一升一合九勺八抄八撮二圭七
粟三顆一粒內除臨清倉米一千二百一石一
斗五升六勺九抄四撮二圭七粟一粒奉文每
石折銀八錢共折銀九百六十兩九錢二分五
毫五絲五忽四微一纖六沙八渺外止徵本色
米七千四百五十一石三斗六升一合二勺九

抄四撮三顆

一丁地存留

河道夫食銀八千二百三十五兩四錢六分五絲
內除裁扣銀二千五百六十一兩九錢六分四厘歸入起運外

實存銀五千五百七十三兩四錢九分六厘五絲
內

泉壩夫停役銀一百八十九兩六錢

河夫停役代編魚臺大批停役銀一千二百九十九兩二錢八分三厘二毫五絲

汶上縣志 卷之三 政紀 三

夏鎮河夫連閏銀八兩六錢八分

夏鎮河夫連閏銀二百一十二兩六錢六分

開夫見役本縣寺前舖開夫十八名南旺上開夫

十八名下開夫十八名開河開夫十七名袁家

口開夫二十六名共夫九十七名工食連閏銀

一千五十兩四分四厘四毫

溜夫見役本縣南旺上開溜夫九名下開溜夫九

名共夫一十八名工食連閏銀二百二十三兩

二錢

撈淺舖夫見役本縣地方一百五十二名工食連

閏銀一千八百二十一兩五錢六分
閘溜撈淺舖夫椿草銀五百五十五兩
泉壩夫椿草銀一十一兩四分

籽粒賃基銀四千七兩三錢四分七厘

河灘地銀五十五兩八分一厘四毫

官俸役食銀一千七百九十一兩一錢九分九厘
八毫內除裁扣銀五十二兩歸入起運外

實存銀一千七百三十九兩一錢九分九厘八毫
內

本縣知縣一員俸銀四十五兩

汶上縣志

卷之三

政紀

十四

門子二名工食銀一十二兩四錢

皂隸十六名工食銀九十九兩二錢

馬快八名工食銀一百三十八兩八錢八分

民壯五十名工食銀三百一十兩

燈夫四名工食銀二十四兩八錢

看監禁卒八名工食銀四十九兩六錢

轎傘扇夫七名工食銀四十三兩四錢

庫子四名工食銀二十四兩八錢

斗級四名工食銀二十四兩八錢

縣丞一員俸銀四十兩

門子一名工食銀六兩二錢

皂隸四名工食銀二十四兩八錢

馬夫一名工食銀六兩二錢

主簿一員俸銀三十三兩一錢一分四厘

門子一名工食銀六兩二錢

皂隸四名工食銀二十四兩八錢

馬夫一名工食銀六兩二錢

典史一員俸銀三十一兩五錢二分

門子一名工食銀六兩二錢

皂隸四名工食銀二十四兩八錢

汶上縣志

卷之三 政紀

五

馬夫一名工食銀六兩二錢

儒學訓導一員又復設教諭一員二官共俸銀三

十一兩五錢二分

齋夫三名工食銀三十七兩二錢

膳夫二名工食銀一十三兩七錢七分七厘八毫

門斗二名工食銀一十四兩八錢八分

開河驛驛丞一員俸銀三十一兩五錢二分

皂隸二名工食銀一十二兩四錢

袁家口開闢官一員俸銀三十一兩五錢二分

皂隸二名工食銀一十二兩四錢

開河開閘官一員俸銀三十一兩五錢二分

皂隸二名工食銀一十二兩四錢

南旺上下閘閘官一員俸銀三十一兩五錢二分

皂隸二名工食銀一十二兩四錢

寺前舖閘閘官一員俸銀三十一兩五錢二分

皂隸二名工食銀一十二兩四錢

遞舖司兵三十七名工食銀三百八兩七錢六分

孤貧三十七名口歲支月糧併冬衣布花銀一百

二十四兩三錢四分

驛站里甲夫馬銀一萬一千二百一十兩四錢五

汶上縣志

卷之三 政紀

六

分三厘三毫內除裁扣銀一千七百一十三兩

八錢六厘六毫六絲五忽歸入起運外

實存銀九千四百九十六兩六錢四分六厘六毫

三絲五忽內

新橋驛夫馬工料銀三千三百一十一兩五錢三

厘三毫內除裁扣銀七百三十五兩五錢歸入

起運外

實存銀二千五百七十五兩五錢五分三厘三毫

內

走遞馬五十七匹草料連閘銀一千五百九十兩

三錢

馬夫二十六名半工食連閏銀三百二十八兩六錢

撥馬牌子三名工食連閏銀三十七兩二錢

藥材醫一名工食連閏銀一十二兩四錢

鞍屛棚廠槽鋤等項銀五十五兩五分三厘三毫
管庫四名工食銀一百八十四兩

館夫二名工食銀一十八兩

供應中伙廩糧支銷銀三百五十兩

開河驛夫食銀三千七百四十兩七錢八分六厘

汝上縣志

卷之三 政紀

七

六毫七絲內除裁扣銀三百二十四兩歸入起
運外

實存銀三千四百一十六兩七錢八分六厘六毫
七絲內

水夫二百九十九名工食銀三千八十三兩七錢
八分六厘六毫七絲

管庫二名半工食銀一百一十五兩

館夫二名工食銀一十八兩

供應中伙廩糧支銷銀二百兩

里甲夫馬工料銀四千一百五十八兩六錢一分

三厘三毫三絲內除裁扣銀六百五十四兩三錢六厘六毫六絲五忽歸入起運外

實存銀二千五百四兩三錢六厘六毫六絲五忽內

走遞馬三十四匹草料銀八百三十七兩

走遞驢八頭草料銀一百一十九兩四分

馬夫一十九名工食銀二百三十五兩六錢

白夫一百六十名工食銀一千九百八十四兩

青夫二十五名工食銀二百六兩六錢六分六厘

六毫六絲五忽

汶上縣志

卷之三 政紀

六

抄馬牌子二名工食銀二十四兩八錢

撥馬牌子三名工食銀三十七兩二錢

鞍雇棚廠槽鑿銀六十兩

一撥補

東平州安山驛水夫除荒缺額銀一千三百五十

一兩一錢七分九厘九毫六忽五微七沙五塵

雜支銀一百二十兩六錢二分二厘八絲八忽三

微內除裁扣銀四十兩九錢五分三厘七絲三

微五塵歸入起運外

實存銀八十九兩六錢六分九厘一絲七忽九微

九織九沙五塵內

修理

龍亭帳幔銀六分一厘八毫一絲一忽四微八織二

沙五塵

修理

文廟壇所祭器銀七錢四分三厘五毫七絲七忽八

微

祭祀

文廟併各壇所銀二十一兩五錢五分九厘五毫八

忽八微六織

汶上縣志 卷之三 政紀

九

縣學

文廟香燭銀二兩五錢二分

鄉飲裁判實徵銀一兩四錢八分五厘一毫五

絲五忽六微

新官到任祭神等銀一兩一錢一厘四毫九絲四

微一織

廩生廩糧銀五十七兩八錢六分六厘七毫

歲貢生袍帽傘蓋銀二兩九錢七分三厘一毫一

忽二微七沙

歲貢生正付盤費銀六錢一分八厘八毫一絲四

忽八微四纖

歲貢生迎賀旗匾銀七錢四分三厘五毫七絲七忽八微

遵奉 部文有留項下內除裁扣銀四千三百六十八兩七錢二分三厘七毫三絲五忽三微五塵歸入丁地徵銀又除河道夫食實存銀五千五百七十三兩四錢九分六厘五絲照舊徵銀支解外下剩官俸役食驛站里甲夫馬雜支實存銀一萬二千六百七十六兩六錢九分五厘三毫五絲九忽五微七沙奉文銀七錢三微支

汝上縣志

卷之三

政紀

三

該徵銀八千八百七十二兩六錢八分六厘七毫五絲一忽六微五纖四沙九塵該徵錢三千八百三串八文六毫七忽八微五纖二沙一塵照依闔縣行差民糧丁地並增添漕糧潤耗及臨倉米折班匠通共實徵銀四萬四千九百二兩三錢三分三厘二毫五絲九忽七微四纖八沙一塵三漚四漠通融合盤計算花戶名下每銀一兩該納銀九錢一分五厘三毫二忽九微九纖一沙四塵三漚一塵二埃該納錢八百四十九文六毫九絲七忽八沙五塵六漚八漠八埃

一額外

課程銀六十九兩七錢七分

牛驢抽稅銀五兩四錢

牙雜稅銀二兩七錢

當稅銀一十兩

選舉 武科地封附

續叙曰唐宋以來升庸之典辟舉與科目並行至明洪武以後專以科貢取士而應運而興者多彬彬焉况汶為大聖人過化之地人之沐浴遺澤更深且久乎鳳翥蛟騰蔚然迭起故人文自昔為盛而冠蓋於今為烈至於文武兩途國家並重韜畧之內儘多雄才因併詳之尤願司牧者更留意於菁莪棫樸之章為續選舉進士 續白萬曆庚戌科起以前俱載舊志

明

汶上縣志

卷之三 選舉

萬曆王命新 庚戌科仕至尙寶寺正卿祀鄉賢傳見人物志

李燧然 庚戌科仕至潼關道副使

高默 丙辰科仕至河南府知府傳見人物志

崇禎 郭凝昂 戊辰科仕至兵部主事

王虛白 辛未科仕至廬州府知府傳見人物志

趙珪 甲戌科任山西翼城縣知縣祀鄉賢傳見人物志

皇清

順治 張六部 丁亥科任陝西寶雞縣知縣

趙增 戊戌科仕至兵部督捕主事祀鄉賢傳見人物志

衡虞衡 己亥科任河南固始縣知縣有傳見人物志

何廣 巳亥科任江南豐縣知縣祀鄉賢傳見

岳峰秀 辛丑科仕至刑科掌印都給事中祀鄉賢傳見人物志

康熙戴名振 庚戌科仕至戶部主事祀鄉賢傳見人物志

于元吉 庚辰科現任江南靈璧縣知縣

高岱宗 癸未科

郭兆垣 癸未科任雲南雲南縣知縣

舉人

明

汶上縣志 卷之三 選舉 二

萬曆曹麟趾 壬子科仕至兵馬司指揮

高默 乙卯科見進士

王虛白 戊午科見進士

天啓路允升 辛酉科

李如蘭 辛酉科

郭凝陽 丁卯科見進士

崇禎趙堪 癸酉科見進士

郭文郁 巳卯科任青州府捕盜通判

皇清

順治林盛梅 乙酉科任廣東茂名縣知縣

徐成珠 乙酉科任廣西南平縣知縣

張六部 丙戌科見進士

衡虞衡 辛卯科見進士

趙增 辛卯科見進士

岳峯秀 辛卯科見進士

何廣 甲午科見進士

戴名振 丁酉科見進士

趙錦 庚子科考選知縣

康熙路光岱 癸卯科任雲南湯門縣知縣傳見人物

高良士 癸卯科任國子監助教

汝上縣志 卷之三 選舉

李方遠 己酉科任直隸滎陽縣知縣

胡筠 丁巳科任德州學正

郭兆垣 庚子科見進士

李元琦 癸酉科

高岱宗 己卯科見進士

于元吉 己卯科見進士

趙璿 壬午亞元

郭承宣 壬午科

張之鉅 乙酉科

劉傑 乙酉科

岳芝乙酉科

高涓戊子科

宋士枚辛卯科

李元玫辛卯科

劉居敬甲午科

汝上縣志

卷之三 選舉

四

歲貢

自萬曆戊申至崇禎末應貢二十餘人
茲僅得十人且先後年分不清當再訪補

明萬曆郭濬

在鴻臚寺序班三奉欽命

萬曆

趙文炯

任江南吳江縣縣丞祀鄉賢有傳見人
物志

天啓

張應乾

任湖廣辰州府
通判

劉景弘

任江西
縣教諭

王國蓋

任江南廬州府
教授

王瑞

任蓬萊縣教諭

崇禎

李際美

伊慎行

郭震概

任陵縣訓導祀
鄉賢傳見人物志

傅康民

任濟南府教授

張四可

閻補宸

任登州府教諭

皇清

郭士楨

任光祿寺
正

順治

李際

任博羅知縣

李敏

伊方至 魏衍徵任武定州學正

趙銳 任萊州府訓導 崇祀縣賢 程式

王祚昌 任至城山衛教授 孟弘第 任濟南府教授

趙紹淵 任莘縣訓導 劉文烺 任湖廣黃岡縣丞

房文蔚 于玫

路衍淳 傳見人物志 何其健 任堂邑縣訓導

康熙王道弘 陳毓奇

于璉 任安縣訓導 于隆吉

王所賓 杜若蘭 傳見人物志

王玫 張闕

汶上縣志 卷之三 選舉 五

王鵬程 康熙十六年貢任 在平縣訓導 許叢雲 任樂陵縣訓導

郭調鼎 徐成瑄

何璽徵 李躍漢

徐恬 王楫

董之蘭 郭文亮 祀鄉賢傳見人物志

徐儒邃 衡嶽秀

李方明 王開業

高湑 趙濤

桑如松 趙貞吉

劉士捷 劉仲泰



路松喬現任登州府教授曹士傳

郭兆鳳現任福建歐寧縣知縣張孔傳

閻翼典乙亥歲貢任登州府教授于朝柱

鄭士震現任館陶縣訓導曹亮工

李咸生 趙 杲穢子 趙 湛

徐紉佩 岳峰峻 楊之璇

何 統 馬 溶 李元理

郭馨遠 白士傑丁酉科 李蘭芳

李大經 龐遵先

林宗禮候選教諭 林宗智候選教諭

汝上縣志 卷之三 選舉 六

恩拔貢年分有未清亦有失名者當查明填改

明

楊聯芳 張武庄

高 掄 王為梅崇禎乙亥年拔貢 通政司可用康之孫

郭憲武任直隸灤州同知 路允修任至淮安府同知 鄉賢傳見人物志

趙 增見進士已卯副榜

皇清路玉相 鄭士元

順 房文龍任廣平府臨洛關通判 馬繼曾任湖廣平江縣知縣

徐成琰任福建上杭縣丞 路允釐祀鄉賢傳見人物志

伊洛儒仕至真定府同知 路允斌任崇明縣縣丞 傳見人物志

郭僊舫 壬子

張瑜 丙寅 現任黃縣教諭

于元吉 丁丑 見進士

郭汝健 辛卯 副貢

功貢

郭士奇

仕至江甯監軍副使殉難傳見人物志

郭萬程

仕至東協鎮殉難傳見人物志

于元中

任中書正字

于隆吉

任吳川縣知縣

武進士

清

順治王再揚

都司守備 科任東昌府

汝上縣志

卷之三 選舉

七

徐養初

壬辰科任鳳陽衛守備

武舉

先後亦未清科分逸失者查與改

順治周元凱

張應祜

鄭國柱

丁酉科

張大受

庚子科通判應乾之子

王紹美

庚子科仕至湖廣澧州都司

康熙單斌

癸卯科

李

癸卯科

龐開先

癸卯科任陝西安遠營守備

龐承先

丙午科任江西饒州衛千總

劉巖

丙午科任浙江守備

徐溥

壬子科

溫明仁

戊午科

于在涓

辛酉科任廣東海豐司禦所千總

王威遠

甲子科

趙洽

丙子科

劉廣基

李元玠

張都

張鵬 乙卯科

張萍 甲午科大受之

李元臣 甲午科

地封

王鉞 以子命新貴贈吏部文選司郎中

路可行 以子周道貴贈湖廣右布政

王邦傑 以子虛白貴封承德郎加贈中憲大夫

趙文炳 以嗣子堪貴贈文林郎

趙文炯 以子增貴贈文林郎加贈承德郎

汝上縣志

卷之三 選舉

八

龐岨 以子開先貴贈明威將軍

龐肯堂 以子承先貴贈武德將軍

何源浩 以子廣貴贈文林郎



續修汝上縣志卷之四

西冷聞元炁續編

續宦蹟志

續叙曰昔賢居宰輔以不獲任親民之職爲歉甚
或令之關於民獨切也百里烹鮮或曰小試然
河陽起花封之頌中牟有馴雉之異載在簡冊
芳躅固皆可考汝邑百年來賢令接踵茂績引
獻故老猶傳誦焉詎可聽其沒沒耶採而誌之
以表前徽以垂後範所不容已矣爲續宦蹟

明

汝上縣志

卷之四 宦蹟

范文若江南上海人丰神俊異材智超羣其治汝
也以德化民以禮自持剪惡安良吏胥守法時
白蓮教賊作亂陷鄆城過汝上憚公威名不敢
近蓋有所以畏之也任二年調繁浙江秀水縣
王 鎰陝西朝邑人下車後法令嚴肅狐鼠遁形
視民如子詞訟不擾百姓愛而畏之咸如期輸
稅不敢違時搜點民兵北上人情洶洶又民兵
素乏束約甫出縣卽肆掠奪村人皆惶懼逃避
公挺身追捕剪厥渠魁民賴以安甫一載卽調
繁去任百姓追思不置

清

雷一龍北直通州人以名進士任汶性純孝太翁隨養署內每值公退食必詢所行善則有喜色否卽怒而撻之公跪而受杖以故廉慈兼施居身儉素尤喜與士子講書課藝無虛日行取授禮科給事中去之日士民遮道攀轅號呼如失怙恃

汪震元江南休寧人由功貢初任桂東順治十八年調繁汶邑廉正嚴明人不敢欺在汶九年行取刑部主事萬姓建祠勒碑以志遺愛

汶上縣志

卷之四

宦蹟

二

樊紹祚直隸文安人由進士筮任汶上嚴明沉毅強幹有守任五年吏惕民懷善政難屈指述其最著者如南旺挑濬漕渠歲需椿木數百株開壩後豪役盡據而瓜分之及挑濬時又科之里下歲以爲常民累久矣公廉知其弊于工竣卽取舊椿貯於龍王廟籍其數令廟僧扃而守之以爲來冬之用歲省民財數百金而且催科不擾無滯獄無留牘鄉城晏然羣歌樂郊行取道御史士民至今思慕不忘云

續按自萬曆戊申後宰汶者三十餘人而宦蹟所

紀僅得五人餘果無可述耶抑亦年遠事湮俾於
人懿德芳規竟淪於荒烟野蔓耶且令之下丞簿
司鐸各有其人其間豈無軼事堪垂善教可採者
而竟無一人一事之載非畧也無蹟可覓自無據
而傳也遠紹旁搜不能不望之後之君子矣

續人物志

續叙曰偉人傑士皆鍾山川之靈氣而生語云地靈則人傑豈盡虛哉汝邑諸山環聳衆水互繞加以聖人之餘澤猶新宜乎哲人挺生接踵不乏也故或登籍廟廊策勲建業或工名鄉曲飭紀敦倫前固炳炳後亦籍籍下及閭巷懿行巾幗節烈靡不薄雲霄而貫金石盛矣哉今雖風俗不古而言念前徽高山可仰後之人尙其知所興起也夫爲續人物

賢忠

汝上縣志

卷之四 人物

明

郭朝賢字應甫歲貢生事親以孝待昆弟以友潛心理學能會周程張朱之奧當年姚江之說盛行而公能卓然不惑真學者之矜式也以理學孝友崇祀鄉賢公貢於嘉靖三十二年
前志未詳爲續之

龐時雍字堯封登萬曆壬辰科進士歷任兵部主事居官剛直敢言時輔臣沈一貫專權誤國公痛恨切齒閉戶具疏劾之繕寫三晝夜始就復望家拜辭祖先乃詣闕上奏忤旨謫廣東布政

司照磨改神木縣典史已而放爲民跨蹇出都
道中口占有生成誰曾是官人一落塵囂二十
春幸今還我真頭面啣結何能報至尊之句旋
里後杜門不出絕口世事年七十餘以壽終

王命新字又新號坦山世爲汶上人公生而穎異
初就外傳舉動悉合矩矱先達龐公堯封見而
異之妻以女成童卽補弟子員博覽經史子集
及諸儒語錄淹貫弘通稱時鴻儒癸卯領鄉薦
第二人丁外艱哀毀骨立喪葬悉遵禮制家產
讓之伯季惟講授生徒取束修自給至慈幃其

汶上縣志

卷之四

人物

二

旨仍自供不委也會修邑乘邑令屬以筆削褒
貶紀載一本於公至今據爲信史焉庚戌成進
士授常州府推官介性孤行卽臨以憲威不少
屈丁內艱謝事束裝蕭然襤被徒跣千里以歸
服闋補上谷司李清介執法不異於前以才品
擢南京戶部主事督權維揚關惟以寬商恤民
爲急改南吏部文選主事旋躋本司郎中陞大
理寺丞逆黨希魏闔旨以門戶中之遂罷歸屏
跡山居聚徒講學以守先待後爲已任學者稱
爲坦山先生崇禎庚午臺省交薦特旨補南尚

寶卿淡情祿位長安權貴無片紙之通蓋賦性
方嚴終始不移也至治家以禮崇儉去汰僕從
皆短褫如爲布素時守令之庭絕竿牘至百姓
利害所關必正色陳之卽觸忌不恤也歿年六
十一歲通國震悼公懇各憲崇祀鄉賢併請建
特祠以誌不朽所著有千秋館文集養蒙初訓
諸書行於世

李如蘭字兼芝號瞻濤邑之草橋村人幼具夙慧
十歲能文弱冠出試卽拔前茅天啓辛酉舉於
鄉邑令范公語人曰此君行誼文章酷似其舅

文上縣志

卷之四 人物

三

今日之捷詎倖邀耶當時以爲定評蓋公固王
尙寶甥而步趨舅氏者也爲人端嚴不苟見義
勇爲庚辰辛巳饑疫類仍公捐粟施棺義聲籍
甚旣而土寇蜂起奉兩臺檄練鄉勇爲城守計
誦於餉公首捐粟爲紳士倡兩臺列疏交薦議
以縣令用而公遽以疾逝未獲展施時論惜之
路世楨字君依大司馬元孫也生而直方風規稜
稜冲年遊泮屢厄不售因設塾講學時出與里
人言孝慈言仁讓媼睦鄉人悉化之又善星躔
知天災將至凡糠粃野菽悉覓而藏之復貨其

遠庄一區得銀糴麥貯之未幾辛巳壬午連值
荒歉饑人相食公乃出藏以濟之由是一里悉
免餓莩人皆祝公有令嗣仲子光岱果領癸卯
鄉薦諸孫皆列黌序後起繩繩殆不可量云

高 默萬曆丙辰進士生平剛正風節稜稜初爲
元氏令正直不阿任刑部持法公平時逆閹竊
柄有所憾發公勘問欲宥之死公持平不阿觸
閹怒賴閣臣申救得降調回籍崇禎改元還公
故職風節益勵每遇大獄曹屬觀望公獨正以
折之稱平允焉遷河南府知府因前以藩王租
汶上縣志 卷之四 人物 四
解累民抗疏叅劾忤德王誹語中公遂除籍歸
娛情詩酒杜口朝政數年卒

高 熊邑庠生默胞弟也容體魁岸倜儻尙氣節
幼齡失恃能盡哀親病晝夜奉侍不懈辛巳大
饑有素負錢粟者皆爲破券不使償壬午值流
寇之亂避家壽張以材勇奉縣委守城東南隅
捍禦有方乃賊由西北隅進遂奔告其婦祝氏
曰吾屬休矣携長子出未脫而寇擁入遂被執
賊索賂則曰一死報國恩分所甘也何賂賊爲
賊怒縛之柱刀擊箭射愈奮罵不屈遂遇害

趙文炯字野雲生而穎異始入蒙塾卽能強記稍長自攻苦刻勵爲文奇峭高古跨宿儒上萬曆庚申領歲薦庚午授吳江縣丞耻爲俗吏日效藍田丞吟哦松下以詩酒爲事及歸惟載盆檜一株布襪外無餘物也有十年跋涉天涯外贏得清風兩袖還之句旋里杜門日惟以教子弟爲事壽七十四歲卒兩子堪增先後成名進士爲循吏蓋信公之庭訓爲不誣云崇祀鄉賢郭凝鬲字開澣生而岐嶷狀貌魁梧敦孝友尙氣節登崇禎戊辰進士初授任 令邑近帝都多

汶上縣志

卷之四 人物

中貴肆行難治公執法不少屈中貴皆斂跡後有兵變率人守禦惟豪奴不遵約束公一以軍法從事遂無敢違令者城賴以全因調繁遵化時邑當殘破後十室九空公力請發粟賑濟邑賴全活後以忤權貴被劾歸里及權貴敗復起爲六合縣令未赴任而大兵臨汶或有勸速避者公慨然曰此父母之邦也可臨難棄之乎遂率僮僕登陴及城陷公殉焉邑紳士皆爲之感泣云

郭萬程字孟自大司空朝賓從孫也以貢授中書

舍人時魏客表裏爲奸陷害忠良朝臣秘謀叅
劾無敢出首者公慨然曰大丈夫視死如歸何
怯焉竟列疏上之觸奸怒內批以小臣出班言
事廷杖削籍崇禎改元奸黨伏法公以邊材起
用授南京團練副總戎遷新水師提督爲忌者
所中罷歸流寇犯闕詔百官勤王授公山東協
鎮謀畫未就北都失陷賊帥郭升過汶執公不
屈死之公遇害時子懋趾抱父號呼求代賊憐
其孝釋弗殺以故得殮公屍歸葬焉

王虛白字若谷萬曆戊午舉人崇禎辛未進士歷

汶上縣志

卷之四 人物

六

任陝西洋縣直隸任 長垣三縣俱有惠政行
取工部主事歷員外郎中授江南廬州府知府
兼攝安廬道事公爲諸生時學德兼脩本學舉
優行學憲以儒業優行獎之居官則以愛民養
士爲心歷任不移各縣及廬州府皆有生祠誠
鄉之良士國之循吏也崇祀鄉賢

郭士楨字季雅博學能文風度凝然歲薦入都有
濟寧時貴欲見之人曰速投刺推知可得也公
竟弗屈遂試中卷以光祿署王老崇祀鄉賢

郭士棟字隆基大司空之從堂孫也弱冠食餼屢

舉于鄉弗售乃益篤志於學闡明心性之旨後
學咸宗之壬午東兵至公守東城而兵自西城
入公揮戈力戰不支乃自刎

郭士奇字鉉岡大司空之孫也少有大志駿發不
羣耽嗜詩書兼諳韜畧天啓壬戌白蓮教倡亂
陷鄆邑破滕據鄒遠邇洶洶公獻平妖十議撫
軍趙公嘉之許以諸生從戎公破產募壯士五
百餘自號忠義營直抵鄒邑遇賊三戰三捷賊
懼不敢出賊據嶧山公設計奮勇登山搗其巢
穴賊遂潰計窮出降元兇就擒撫軍上其功授

汶上縣志

卷之四 人物

七

後軍都督府都事陞西曹主政遷廣西司郎中
調兵部職方司郎中奉旨提督西洋火藥局局
中漏火公肢體受傷蒙溫旨回籍調理辛巳歲
饑土寇蜂起公奮力捍禦城得保全賊平特授
鳳陽監軍道副使甫拜命具疏陳破闖十二議
以觸怒當事落職後壬午東兵臨城正指揮戰
守而城陷公獨與仲子明睿踰濠格闕力絀皆
遇害父死忠子死孝至今傳頌凜凜如生焉

趙堪字遜之增之胞兄也生而穎異丰姿瓌偉
幼承父命繼仲父嗣以孝聞崇禎癸丑舉於鄉

甲戌成進士除授翼城令翼新遭寇氛公下車
撫循勞來日噢咻其民均役除蠹不少寬假一
時畏若神明暇則課士若嚴師是科中式者八
人文風丕振又以流寇時警造炮具備器械勞
劇過甚卒於官翼民立祠祀之入翼城名宦崇
祀鄉賢

劉 桂字蘭臺任光祿寺署丞內篤孝友外盡忠
誠家有餘財未嘗自私生平周急恤窮捐粟施
塚被德者甚衆三舉鄉飲大賓崇祀鄉賢長子
允達早食郡餼純孝性成父亡哀痛不輟七日
食不下咽因病殞次子允徵任中書舍人值東
土饑荒奉 命賑濟實心任事務使貧民均沾
實惠事竣復 命途遇寇變被害邑人至今稱
述謂均不媿爲忠孝賢裔云

清

趙 增字無損別號講村邑次 村人早歲中副
車貢於廷戊戌捷南宮初除晉之安邑令再補
福建閩縣所至撫民育士著循聲其在閩也值
閩變初平元氣未復綏輯尤切甫歲餘卽膺兵
曹督捕之擢在部數年務尙安靜不事株連每

汝上縣志

卷之四 人物

八

讞案成同列悉爲歎服尋引疾歸里惟築圃蒔
花以課督子弟爲事又喜吟咏凡生平閱歷以
及登臨眺覽悉發之於詩皆足以窺其居心制
行之端壽八十六歲歿列晉閩名宦崇祀鄉賢
衡虞衡字汝諧生而醇正誦讀不輟己亥成進士
筮仕河南固始縣寬厚愛人以不事上官罷歸
行李蕭然環堵如故夜無燈火猶時對月朗誦
開館受徒邑中受業成就者多人性嗜酒不計
美惡酣暢爲度有元亮之風子岳秀岳九均列
庠食餼以忠厚世其家

路允修字萬備號東臯迎之亥孫周道之子也以
恩貢授江南常州府通判居官以廉潔自守愛
民爲心自奉儉薄一物不妄取陞淮安同知清
操惠政無改於前適奉公赴都櫻疾遂予告歸
里公爲闕閔世家而謙退溫恭絕無統綺習氣
復慷慨好義萬曆乙卯邑大饑傾所蓄以賑全
活甚衆崇禎辛巳復大饑餓殍載道公偕弟允
釐設厰北郭煮粥以濟就食者數千人凡六閱
月所費不貲時米價騰踴復減價糶之病者給
以藥死者給以棺暴露者掩以土好善樂施事

不勝紀歿之日遠近哭奠者數千人復立石北門外以垂永久明刑部侍郎莆田王家彦有過汶上咏路東臯賑饑詩并序兩饗鄉飲大賓崇祀鄉賢

徐國弼字賓良拔貢生成琰之父自幼沉酣典籍以端重見知於王坦山先生常以大任期之屢試弗售因肆力問學誠於誨人多所成就士類仰之

徐振文號理鉉南平知縣成珠父也秉性質朴孝友純篤喜賑施樂排解布衣簡素遇之者不識其爲封翁也壽八十五談笑而終

汶上縣志

卷之四 人物

十

岳崇功號菊菴天性孝友舉動合禮鄉里咸尊式之子峯秀宰封丘隨養署中值公壽民感宰德造銀仙爲公壽公力却之曰吾教子不貪而乃受此烏乎可皆歎息而去峯秀累官廉潔皆公教成之也又平生好生雖昆蟲草木皆不忍傷年八十六以無疾終

路允釐字張維允修弟也以捐穀賑饑特准恩貢事繼母甚孝待異母弟如同胞五兄早逝推腴產金錢以贍其孤三兄歿其子復早逝遺姪孫三人皆爲撫養成立焉晚歲益崇節儉一物不

輕用而捐施周濟則罔所惜屢舉鄉飲賓崇祀
鄉賢

何 廣字環珠甲午舉人已亥進士賦性仁孝年
九歲遭時荒歉雙親老憊自負米拮据供膳雙
親賴之雖成人不逮也父亡竭力禮葬稍長攻
苦詩書奉養老母恭事長兄十餘年不懈登籍
筮仕豐令釐奸剔弊豪猾斂跡又善聽斷無隱
不晰士民懾服誠鄉國之羽翼名教之于城也
戴名振字奇珍號蜀巖登庚戌進士初任浙之縉
雲令多惠政行取以部曹用甫除戶部主事而
汶上縣志

卷之四 人物

士

捐館人皆惜之

路衍祐字申之訥齋其別號也爲大司馬五世孫
淮陽同知允修子至性純孝步履端方篤友于
敦嫺睦人皆以陳仲弓王彥方稱之尤留心掌
故博聞多識爲一邑文獻表帥北遊燕臺見道
多枯骨悉僱人掩埋斧資蕩然不慮也復究心
岐黃得其間與有問疾者投以方藥無不奇中
久之名益噪求者益衆不計貴賤貧富晝夜應
之不厭藥暴之費歲耗多金初艱於嗣至七袞
始舉子猶及見其婚娶成立咸謂爲積德之報

云兩舉鄉飲賓崇祀鄉賢

路衍淳字子復亦字敦夫別號樗菴衍祐弟也賦性慈良制行長厚與兄稱二難焉執經之暇兼精詩古文辭隨父毘陵任值母病歿於署時道路梗塞不能扶襯北旋遂藁葬宜興因移居墓次晨昏泣奠旋里後日周旋老父膝下不暫離戊戌以明經貢於廷有勸之仕者曰吾豈以薄祿疎定省耶兩罹大喪戚易交致殮葬如禮晚工臨池遠近丐墨妙者綾箋堆盈几案與至揮毫頃刻都盡得之者無不拱壁珍之庚午夏月

汶上縣志

卷之四 人物

十一

署江南扶母襯還將拮据葬事以衰年勞瘁頓櫻篤疾未及襄事而歿鄉人私謚爲文孝先生崇祀鄉賢所著有展詭齋詩集并玉馬珮詞曲行於世以子貴誥封登州郡

王瑞字冲華天性孝友早歲祇父恭兄事事如禮長而醇篤勤學文冠諸生後以歲進士授江西瑞昌訓導課士有方督率惟勤上憲重其品委署縣篆興利除弊能決疑獄士民感之爲立碑志思陞蓬萊教諭悉心作養如在瑞昌時再遷教授未任告休壽九十四歲卒

岳大武字和周幼以孝友稱入庠公舉孝行學使者深優異之明末寇亂壓境挺身入賊壘爲陳說大義賊素重之遂解去衆賴以安甲申聞闖賊入據京師與友人匿深山中誓不出時平旋家不出里門置義田贍族人儲粟濟乏設塾廣教遠近被澤者甚衆其曾孫芝於康熙乙酉舉於鄉人皆以爲積善之報所著有清河集行世岳峯秀字鎮九號克亭領辛卯鄉薦登辛丑進士初仕河南封令以實心行實政頌聲大作六年秩滿以卓異內擢禮科給事中旋晉掌刑垣

汝上縣志

卷之四 人物

三

篆前後章數十上無非爲國爲民剴切詳明大臣皆歎服之監督寶源寶泉兩局一秉公忠鼓鑄夙弊爲之一清尋援例遷葬引疾不出築小圃結茅其中日繙閱書史闡明絕學遠近之士景從者奔赴成市又凡可以利人濟物者行之不遺餘力晚著勸善恒言數十則并刻古格言爲人勸誘人皆化之崇祀鄉賢

高良士熊之子當壬午之變父罵賊死母祝氏以不辱投井死士年方十歲被擄閉與室中後以計脫入城見父母俱被害慟絕仆地尋見弟姝

抱而泣携之返張秋于是寄弟妹鬻婢僕購棺
爲父母殯殮計時屢肆寥落有以缺角舊扉爲
棺者市之返壽張哀叩鄰里入井求母不獲悲
憤長號以繩自繫縋而下呼天入水竟抱母屍
出與父骸同殮寄厝城趾以十歲之童具此血
性宜路人爲之垂泣也遊泮後歸鄉鬻田置棺
期移襯於故里值壬辰黃河衝決之後沮洳不
辨瘞處號泣錐尋三晝夜不息血誠所感錐忽
有聲啓土見棺則缺角宛然在也遷厝濰河之
村時貧甚無以葬癸卯舉於鄉又十餘年乃卜

汶上縣志

卷之四 人物

古

葬襄事不遺餘力而泣血無聲幾於滅性遠近
知名士來弔者莫不感動云初署張 諭遷安
東授惟捐修學宮課諸生行藝東脯不屑計也
庚申濟屬大饑撫軍檄委放齊東濱州蒲臺霑
化四縣倉穀并煮粥以賑至則實心查覈胥吏
莫欺饑民得沾實惠全活甚衆陞國子助教一
官冷落歸不聊生有詩文藁未刻行

張六部字京宜生而英敏千言立就丙戌舉於鄉
聯登丁亥進士出宰陝之寶雞邑爲南北孔道
又土著者半新招逆黨動見掣肘公剛柔互用

奸弊悉絕又驛站協濟民苦不支公力爲申處
民困以寬後爲忌者所中遂掛冠歸惟閉戶課
子弟以誘進後學爲事甲辰海寇鳴張科臣薦
公才可大用議推監軍道

命甫下而公捐館人皆惜之

郭漢鼎字慶遠士楨第六子天姿穎悟性嗜詩書
時兵燹之後典籍殘闕公獨旁搜遠稽爲時名
儒數奇不售觀光太學生平清介自持足不履
公庭而忠厚和平口不道人過推舉鄉飲賓一
時士論翕然服之長子兆麒例補翰目以情深
愛日不肯仕次子兆鳳現任殿寧令公之後福
正未有艾云

王辟疆字羽修尙寶卿命新仲子服習庭訓以理
學世其家明末寇亂攜家他避夜行悞入賊壘
賊素重其名束炬導送之事平旋里爲族衆輸
逋家遂中落至授徒以自給掌憲青州房公可
壯稔其學欲薦之凡三勸駕不肯出時喪亂初
平喪祭禮儀多不率古乃刻家禮儀節以爲式
士大夫多取法焉邑令汪公欲延爲鄉飲賓謙
退不就益重之七十五歲卒

趙銳字穎先翼城令堪之子英異不羣孝友兼敦弱冠而孤遭世變流離遷避艱辛備歷而奉養老母無少缺時平歸里能復舊業其才可見矣夙擅文名下筆滔滔不竭年二十八歲成歲進士遠近傳其文爲式後授萊州府訓導未仕卒士林惜之

路光岱字雲麓領癸卯鄉薦授雲南易門令生平醇良樂易與人無忤而好善喜施留心時事又精堪輿凡山水情形無不深悉所著汶城議山川議土田議一冊圖議詳明續修邑乘多採入汶上縣志

卷之四 人物

六

焉居官則宣揚聖諭嚴禁苞苴興利除弊盡心教養惠政多端未竟厥施卒於署崇祀易門名宦

杜若蘭字蘅洲歲貢生天性孝友值歲歉以美食供父母及兩幼弟而自其粗糲且排難解紛恤孤憐貧皆爲人所不能爲由是鄉黨欽服共稱爲邑士仁人焉

郭文亮字炳星震榭子也賦質英奇秉性孝友年十二隨父訓導公於陵縣歲餘訓導公捐館哀毀盡禮徒跣數百里扶視而歸時土寇蜂起經

行綠林叢中哀感群盜竟無犯者抵里後無力
襄事乃寢處柩側勵志攻苦旣采芹丁明季之
變念三兄早歿一兄被擄親喪未葬孤姪未成
立獨以一身支持事皆就緒且篤親念故人莫
不敬而愛之晚好施與多義舉如修學宮葺奎
樓繕橋梁濟饑掩骼難更僕數子兆垣成進士
爲邑令皆公積累之報也崇祀鄉賢

趙 鑄字象九生而厚重不佻幼失恃隨父走東
西艱苦備歷長補弟子員事繼母盡孝家徒四
壁立力田供養殮弗少缺父歿撫三幼弟一妹

汶上縣志

卷之四 人物

七

友愛篤至其待從兄弟亦敦友于如同胞讓產
諸弟而自拮据以致殷實鄰里姻戚咸沐恩義
督學周特舉優行殆古仁人君子之儔與

趙 璠字仲聲號西園翼城令堪之孫萊州府訓

導銳之子也四歲失怙稍長就外傳端重不佻
事必咨母而後行不則咨於長兄孝友之稱早
歲洋溢補郡庠弟子員屢試冠軍文名震一時
著四字文訣爲後學法式壬午以第二人舉於
鄉居家持正不阿士林重之方期共扶搖益上
而遽赴玉樓之召惜哉有_二英詩集并小題_一行世

何其健歲貢生賦性孝友居心仁愛人稱厚德及
任堂庠惟以修學宮育人才爲事所入常不足
以自供棠之人士至今思之

馬繼曾字宗魯幼而岐嶷潛心學問出筆驚人唐
辛卯選拔授平江知縣時西征軍興供給駢集
民不堪命公多方籌畫省費不貲民賴以甦平
江士民至今歌思之

李方明童年孝友少孤事伯父母如父母愛堂弟
如胞弟遇宗族鄉黨無所忤誘進後學循循不
倦本學扁旌曰四科首選洵實錄也羣惜其僅

汶上縣志

卷之四 人物

六

以明經老焉

路松年字承甫生性孝友天資仁厚冲年入庠家
鮮遺業苦志誦讀事母盡孝長兄早亡無嗣以
已子爲之繼又好義樂施汶河水決首倡義舉
築堤捍衛永免水患洎筮仕同安愛民禮士修
朱子祠四關各設義學闔邑士庶莫不感頌告
致旋里年七十以壽終

路衍豫字子順以貢監候選縣佐天性仁孝友愛
備至幼失恃庶母沈氏鞠之長事庶母如母四
伯無嗣寄觀荒園者六十年偕諸姪脩禮葬之

相埒待羣從兄弟悉若同胞又自處謙和待人寬恕從不爲誑語欺人遠近悉愛慕之

郭震樾字聚五壬午歲貢任陵縣訓導爲人孝弟慈祥與物無忤髫年能文工書弟士棟殉難後遺產頗豐悉讓諸弟姪無所問居官誠於誨人視士如子有一生誤陷於獄公力爲請免後以數金爲壽公力却之署縣事有扞城功上官方欲保薦而公以年老告歸以壽終邑人思其德公請崇祀鄉賢

王鵬程字白溟潛心詩書學問優長兼輕財好施

汶上縣志

卷之四 人物

九

被德者至今感之以歲貢司訓在平除月課諸生外創立義學凡生童貧不能習業者悉傾私囊贍資督課一時成就多人年八十五卒於官闔學士子無不哀痛哭送足以徵公德教之所感矣

閻翼典登州教授補宸之子也幼有至性格遵庭訓讀書以實行自勵諸姪早孤撫之如子開館受徒一以躬行倡率故從學者多爲端人惜其未獲展用以明經老焉

武功附

房天駟以墾荒有功授高臺所守禦千總髫年盡
孝居官盡職且能興起文事實心愛民誠武功
之表表者用附賢忠之後以彰遺德

劉爾變賦姿英偉秉性寬仁生平濟急扶危排難
解紛事難屈指數常願人安而已乃安年雖老
而志不衰德積於身報彰於後以長子汶遠貴
封宣武將軍長孫鎬亦任浙江烏程邑令乃躬
膺榮貴而接人益恭享年八十九歲稱爲義士
仁人何愧焉

趙澤因堪之子以增生入太學廣教育喜施濟惠
汶上縣志 卷之四 人物 二十
義之風有足多者

孝義

馬 璨邑庠生父繼曾任平江令卒於官值三藩告變不能奔喪乃設位於廬晝夜號泣亂少平卽徒步出門間關兩月始達訪旅襯不得泣欲死遇老門役乃會事其父者指示之滴血以驗昇以行道遇餘孽掠其資昇夫悉逃計無復之乃火化納竹籠中自負以行是役也徒跣往返六千餘里棲無襪被行乏裹糧囚首跣足幾死者數非天祐純孝幾何不作他鄉鬼也卒使旅宦遊竟得歸首 宜通國共推其孝云

汶上縣志

卷之四 孝義

張仲泰庚子科武舉人大受次子也父奉 差赴滇仲泰從焉父病卒於汴水驛殮畢納棺父同差者勸之曰去家萬里扶襯良難不如從北俗火化囊負而歸至便也仲泰泣不忍卒以棺歸每飲食或過山渡河必跪告如事生抵家盡出父餘貲無所私一切家事獨以身理俾兄弟皆得肆力於學及一兄兩弟皆入庠同巽終身怡怡無間真不愧孝友二字云

李霽霄賦性淳龐胷襟曠達生平好義樂施其大者如捐粟賑荒築堤護田代貧人輸賦免其費

子不可枚舉宜乎善人義士之稱遠近傳頌也
前邑令甘謚以懿惠并爲文以表其墓亦不沒
人善之意云

侯輔世邑鄉耆也父名其新係庠生爲豪家誣害
繫獄輔世年甫成童痛父非辜赴官哀求再四
願以身代當事憐其孝爲雪寃得脫時家貧如
洗而竭力奉養不少缺年至頽白猶然孺慕之
誠又善撫幼弟延師受業早年遊泮一叔早亡
遺一子并爲保養成立使守其業孝友之風真
不愧古人矣

汶上縣志

卷之四

孝義

朱淑琬天性孝友善事繼母母亦視若已出敬事
兄長有事必竭力助之兄歿視姪及姪孫撫育
有加又好施與壬午大饑量出所有賑濟鄉鄰
賴以存活者甚多今年已九十有五而壯健猶
昔子孫盈庭或游泮宮或登鶚薦邑人悉頌爲
積善之家餘慶不爽焉

趙堦文燭之子補增廣生志甘淡弟及弟皆遺
任獨居家事親敬養脩至終身遺訓弗忘焉

蕃衍人皆謂福善之報云

孔興義字君方 至聖六十六代孫儀質魁梧慷慨有大志由恩蔭初任揚州通判值兵變薄城一時聞沸公竭力捍禦籌畫有方賴以無虞事平以能調大同府中路通判地逼京畿風號險隘公悉心釐剔遂成坦途任三年賢聲大著會丁王母艱回籍服闋遽以疾卒惜哉

孔毓璋字鳴石 至聖六十七代孫器宇軒爽賦志不凡由恩貢筮仕江寧府北捕通判興革綏靖賢聲丕著以督臺薦陞昌平知州地近畿甸

汶上縣志

卷之四

孝義

三

內多屯田民不堪命公挺然執法十載之內百姓安堵以盜案呈誤回籍適逢

聖駕南幸泊舟於汶公躬迎河岸復蒙

特恩授安州知州下車後蠲稅築堤正供外毫無所私不幸病卒於官士庶皆爲之太息焉

孔興範字鳧先 至聖六十代孫賦性倜儻志氣豪邁幼而孤事孀母以孝聞由恩貢初任孟縣令興除利弊民稱慈母累官順德知府歷任皆有善政清白自持家徒四壁卒之日棺槨衣衾悉大宗爲之營辦廉吏洵非虛云

招集四方名士一時掇巍科者多出其門焉
王所賓邑歲貢生幼有至性仁孝夙成值明季之
變四郊寇攘不避艱險負父竊逃及遇賊梗哀
號願代父死寇亦感其孝釋之迨承平歸里蓄
積頗豐值康熙四年汶大饑餓殍滿道公捐糧
千餘石全活多人享年九十餘歲而歿鄉人士
至今傳頌弗衰也

趙銑字石生督捕主政增之仲子也生而倜儻有
器識廣交樂施絕無貴介習氣膺歲薦隨父安
邑署中事無巨細悉代父籌畫至嘔血不言瘁
汶上縣志

卷之四 孝義

四

兄鉅艱於嗣以已子繼之無難色病甚旋里及
疾革仰天號曰兒終不得見父矣越夕父以任
滿歸家既相見遂瞑目而逝人咸謂誠孝所感
云

林宗義字仲路邑太學生茂名知縣盛梅之次子
幼而岐嶷成童卽善承父訓勵志問學文聲震
一時以隨父遠宦遂屈就太學非其志也侍父
官署一切皆殫心經理毫無所私及父病卒於
任義以清白吏子扶柩旋里僅給衣食而周急
濟貧樂施不怠潛跡田園日惟課訓子孫更念

三弟之嗣以一孫繼之其孝友好義均足風世也

趙錡邑庠生少孤母董氏痛夫成疾生百計奉侍冀得其歡并破產以營醫藥晝夜候侍不稍懈母歿葬祭悉如禮哀戚逾常人兩兄皆異母產事之甚恭一弟尙幼撫恤彌篤其敦友于也悉孝心之所推也前任知縣汪以純孝旌之蓋不誣云

劉國瑄邑庠生幼聰穎異常童孩提時即能得親心冠娶後父母委以家事一切曲意承志無稍

汶上縣志

卷之四

孝義

五

拂父母病晝夜侍湯藥衣不解帶及親歿哀毀骨立見者莫不哀而敬之二弟早亡子俱幼生撫恤備至後俱成立克繼家聲前任知縣應給扁旌曰純孝可風邑縉紳先生咸爲序以傳之誠堪爲人士矜式也

趙淵太學生少孤與妻徐氏事母克孝恤弟殫誠能使仲弟瑤成名季弟濟有後大節炳昭他可知矣

趙鈺太學生孝事繼母友于昆弟育寒士以成名卹貧乏而還產胞叔講村以樂善從吾好不欺

明且心許之信然

徐成琰拔貢生孝友清介授福建上抗縣丞攝篆
武平連城梗頑胥化以賑饑忤當事病歿于道
賴三邑醵金喪始歸胞弟歲貢生成瑄以德行
文章顯授高密訓導未赴而卒至今邑中稱爲
二難

寄籍賢忠

孔衍鈺字泗寰 至聖六十六代孫自其祖貞寧
移家汶邑再傳而誕公居心坦易賦性豪邁遇
人有過輒面折之胸無留滯也親友有急難則
扶掖不倦 國初補太常博士主鬯聖澤書院
受事之後整廟貌肅明禮供職之外絕不與外
事至利弊所關則侃侃而陳無所忌邑宰皆敬
禮之公年十九卽失怙時有弟四人及兄之孤
皆幼穉公於兵荒饑疫間奉萱堂撫弟皆無遺
憾年五十猶殷孺慕母病籲天求代躬親侍奉

汶上縣志

卷之四

孝義

一切不假手僕婢及丁內艱擗踊哀號晝夜不
絕弔者見其瘠毀無不嘖嘖稱孝焉七十五歲
告終鄉黨莫不哀慟後請於 上憲崇祀鄉賢

孔毓珍字席玉 至聖六十七代孫四歲失怙卽

知悲泣稍長端凝沉靜不苟言笑識者以大器
目之後以恩貢授直隸保定府通判時于公成
龍巡撫畿輔以公清勤數以盤錯試之公牒到
卽行案無留牘在任七年六攝劇邑實心實政
從不肯以五日京兆自待年三十六歲歿于官
空囊無以備棺殮賴上憲同官及士民賻助老

母弱孤始能扶視返里焉

孔興洪字涵萬 至聖六十七代孫由恩蔭筮仕
陝之商州牧廉明子惠士庶感頌內擢刑部員
外郎馬首北矣適關中兵變將軍圖海奉

命徂征廉知公能會督撫交章題留爲平慶道司
餉軍前徵調支發不勞而辦行間士賴之無庚
癸呼事平計功以丁祖母艱回籍服闋補江南
江鎮常道整躬率屬百寮聳畏兩攝藩政一署
鹺務端方自持無毫髮私陞直隸口北道副使
兵戢民安循聲徹 輦轂間蒞任半載卽有閩
汶上縣志

卷之四 孝義

二

臬之擢惜乎叱馭江行竟罹覆舟之慘碩抱未
展時論痛之曲汶兩邑皆祀鄉賢

孔興榮字華先 至聖六十六代孫賦性仁孝六
歲失恃悲痛逾成人年十九以 恩授國子監

學錄供尼山祀事立品端方遠邇傳頌壬午之
變土寇猖獗皆相戒勿犯其第且素抱經畧爲
邑令鍾公陳禦寇之策行之畢效全活多人邑
賴以安課子姪嚴而有法長子毓璽襲公職克
紹前徽次子毓基以 恩授枝江令有善政行
取候補皆公庭訓所貽也年七十四而卒

辛秉和秉恒兄弟俱邑庠生家傳孝友四世同居
家口百餘從無間言唐之張公宋之鄭氏不是
過矣當明季凶荒流離滿目生兄弟施粥捐粟
全括甚衆時土寇肆行搶掠復築堡禦難鄉里
多賴以自存而且葬殉忠之邑侯恤貧宦之亡
友德義益隆墳箎齊美洵士林之模範足永垂
不朽者也以下續入賢忠

梁國柱劉許地方鄉民也天性孝友家雖貧孝養
雙親常變不二親沒廬于墓側不忍離掬土築
墳崇高如 年八十七卒次子忠能繼父行親

汶上縣志

卷之四 孝義

三

病晝夜侍奉飲食湯藥必嘗而進及親歿朝夕
哭於墓側三年未嘗一至其家國柱行孝於前
忠又承之於後是可以媿夫世之讀詩書知禮
義者矣一門雙德輿論信不誣云

路周道字遵治大司馬迎之曾孫也賦性仁孝苦
志吟哦髫齡卽出筆驚人稱名下士後登萬曆
戊戌進士筮仕直隸清豐令冰蘖自持毫不可
干以私歷任刑工兩曹咸稱厥職及陞湖廣藩
叅屬吏素稔公威名無不悚惕奉法稜稜風節
蓋始終不替云歸居林下雅意造士廣起書院

節烈

續敘曰殺身成仁惟志士仁人能之骯髒男子一死爲難而乃責之中惘弱質乎然而血性所發百折不撓固冰霜爲操寶日月同輝矣誰謂栢舟之矢不可與龍比爭烈哉善善欲長凡邑之以節烈見者皆錄焉用以勵人心敦風化奚不可者

何氏邑庠生何祝齡女爲廩生王登長子婦登有三子長曰璫次日珮三尙幼璫娶氏未幾歿氏急欲死翁姑曰若果有志待吾二子珮有子當

汶上縣志

卷之四 節烈

爲立嗣氏領之珮甫娶明經女劉氏復天何與劉閉戶爲自盡計翁姑環泣謀以幼子寄養伯氏與二媳偕死焉氏不得已暫出奉養旣而謀於劉曰我兩人俱失所天何以生爲然翁姑憊矣不可以失養汝健而才能事二人我孱質也宜一死以明志會值璫三週忌氏治具奠於墓還而自經閱歲劉氏亦鬱鬱病歿後直指表其門爲一門雙節焉

李氏尙寶卿王公之冢婦也夫元中櫻疾垂危氏諭梓人制棺者曰濶之令可容吾兩人由是人

知其必死聞於妻父曰真吾女也聽之及元中卒氏一慟之餘從容投環時萬曆丁巳冬也邑人士屢爲請表尙寶公曰吾門素風耳詎望旌哉洎尙寶公歿始聞於各憲撫軍題其墓曰奇節可風復爲繕䟽請旌

樊氏王尙寶公側室也性婉嫻善接事上下王公疾革氏預告以相殉遂謝絕飲食閱六日公歿闔戶自縊家人破壁救甦泣曰若輩知生我不知成我也主母命所生女號泣留之不顧竟投繯而逝時年二十八歲抱衾裯而賦烈腸更足

汝上縣志

卷之四 節烈

二

多焉

郭氏貢生郭衡藻長女贈按察僉事孔衍銘妻也幼嫻女則于歸後以賢孝稱壬午師破汝城衍銘被殺氏伏屍號泣且奮罵殺其夫者求與俱死兵義之不忍殺氏坐卧屍所不少離兵退家人逃散獨力脫簪珥市棺以殮夫屍時年二十七也遭世變家中落則勤紡績治女工以上奉孀姑下撫遺孤卒能教子成立爲名臣通國推母儀焉

焦氏馬乾吾副室也嫡生二女無子焦氏生子纔

數月而乾吾歿時焦氏方二十餘歲嫡病垂危
囑二女曰汝二人幼我死事焦如母二女泣諾
及母歿女以母事焦退不敢當事乾吾老母彌
謹撫養嫡女無或不周教其子慈而嚴又善持
家日益殷富邑人列其行事請旌誤稱繼室氏
恚不受復據實改正年八十餘歿邑人龐主政
王尙寶皆有詩弔之尙寶併贈以序言見藝文
曹氏明中書舍人劉允徵之妻允徵爲寇所害氏
聞變卽投井自殞皎皎烈腸固至今如生也

烈女郭氏歲貢生郭衡藻三女也許字王尙寶公
汶上縣志 卷之四 節烈 三
三男爲妻未娶而夫歿氏自殲焉節烈固難得
之十五歲室女更足多矣按院上其事於朝敕
旌之有未室烈女郭娥之門在賈伯村郭氏家
廟之東

王氏路如丹妻丙子孝廉王公賢之曾孫女也如
丹病亡氏方二十歲誓以死從柩親老子幼勉
聽翁姑命茹荼拮据不辭艱辛養親撫孤年六
十餘以疾終

趙氏路鵬起妻堪之女也年二十餘歲而夫故一
子方幼堅志守節撫孤子衍慶入庠生二子次

爾其亦入庠經歷艱苦五十餘年年八十而終
胡氏歲貢生趙銳妻堪子婦也年二十八歲而寡
撫三子皆讀書有成事八十老姑始終無懈戊
申地震時闔家居樓上轟聲如雷磚瓦飛動人
皆逃避氏獨以身蔽姑幼子啼於旁不顧也俄
而樓崩氏被壓死者姑獲全其幼子編體打傷
竟不死後闕于縣蒙旌獎焉

王氏尙寶公之孫女適李聖植爲妻聖植遭明季
之亂承憲委捉賊誣陷寃死時氏方二十一歲
日夜痛泣逾兩月生一遺腹子喜夫有嗣多方

保護後避難遇賊恐受辱遂舍子地上投井中
幸水淺不死迨出井覓子已不見矣痛哭訪之
越二年始得撫養成立爲之娶妻丁氏三年生
一孫子復死丁年二十歲氏痛欲絕又念孫未
周而媳少哭謂丁曰我與若俱恃此子矣卽李
氏一脉亦惟恃此子矣若能善撫之否丁亦哭
告姑曰姑今雖無子我斷不令姑再無婦也遂
盡力奉姑守志撫子兩世苦節輝映冰霜真堪
垂芳百世現今子孫繩繩知苦節之報不爽也
辛氏儒童林爲煥妻十九歲于歸越一載而煥病

氏侍奉惟謹後見夫必不起卽誓死不移及夫歿視含殮畢卽自縊于側殆從容就義者歟

李氏庠生王士旂妻時值兵變士旂被害氏時二十七歲立志守節奉翁姑撫幼子姑李氏病卧三年氏躬侍湯藥晝夜辛勤再事繼姑陳氏亦然連歲蕪艱苦萬端撫育二子慈誨交至長子鵬舉名列泮宮次子鵬里亦成德器人皆重之徐氏貢生趙銑妻增之仲子婦也銑歿氏二十九歲生二子二女立志守節奉事翁姑撫養子女慈而嚴子汧湛俱成立補弟子員二女皆有家

汝上縣志

卷之四 節烈

五

年六十餘歲仍勤苦不倦以壽終

于氏生員高良謨妻十五歲于歸二十一歲而夫故氏誓以身殉絕粒數日乘防護稍踈竟自經死直指奏於朝奉 旨旌表建坊沙河涯墓前祝氏生員高熊之妻年二十六歲隨夫居壽張壬午城陷熊遇害氏慷慨臨井子女四人皆挽衣哭留氏揮手曰汝等速逃生我惟有一死遂投井事載壽張志

王氏生員高良棟妻壬午居壽張城陷乃以幼子授乳媪并給金一錠曰好携持之高門有後不

汝忘王氏爲祝氏姪婦與祝同投一井死後壽張令扁其門曰一門雙節

田氏鄉民王虛誠妻十五歲于歸二十一而喪偶時值兵荒携一子一女東西流離拾草子以自活事平拮据撫孤竟易農而爲儒不惟克存夫後而且再造夫家享年九十三歲天之報苦節爲不爽矣

高氏鄉民尙起蛟妻也起蛟兄弟五人遭繼母之虐已殺其四矣起蛟懼不免逃之河南氏方少有子四齡日爲姑所陵避之母家起蛟永無音

汝上縣志

卷之四

節烈

六

耗氏食貧茹荼撫孤成家守節七十餘年至九十九歲而終

烈女郭氏貢生郭衡藻女十五歲許聘高夢弼爲妻未婚而夢弼卒女悲泣絕餐誓必死父母防之屢欲縊不得闕十餘日以頭觸地氣遂絕齧齡弱質矢皎日而殉同穴不足媿鬚眉丈夫哉若姊若姊烈出一門尤爲難矣巡按奏聞奉

旨援例給銀建坊表其墓曰未室烈女高夢弼妻郭氏

墓在次 東坊在賈北村郭氏家廟旁

劉氏庠生王嘉賓妻崇禎壬午嘉賓歿於兵氏年

二十九歲聞夫亡，齟齬絕五日不食，誓以死殉。時翁猶在堂，泣諭之曰：「汝死固全節，但我已衰而汝一子一女皆未成人，如此老幼何？」氏勉從翁命，忍荼自守，躬績紡以供菽水。凡衣食必以美者奉翁，而子女則僅免饑寒而已。人皆憐其節而欽其孝。今其孫及曾孫皆列黌序，固氏慈教之所貽也。

龍氏高大運妻也。大運卒，氏二十歲，爲有遺腹，不死。閱月生子，念夫有嗣，且翁姑老矣，卽死。誰爲事誰爲育者，遂堅心守志，歷三年，翁姑相繼歿。

汝上縣志

卷之四

節烈

七

時頻罹荒亂，家業凋零，以一身携稚子，拮据喪葬，備極艱苦。後教子成人，苦節五十一年而歿。張氏鄉民高磊妻，娶七年而磊歿。氏時二十三歲，守一子一女，以居夫兄，覘其產，屢逼改適，不從。後子亡，兄乃合匪棍強嫁之。給氏出掖之驢，上至野，見人衆，覺其詐，遂大呼觸地，披髮以死，拒之路人，聞于其弟，志誠率族衆奪回，欲鳴官，弗果。惜貧落不能自存，賴志誠贍養，終身得全其節焉。邑進士兵部主事趙公增率紳士公扁其門，曰：「苦志矢天。」

曹氏廩生郭明睿妻壬午之變明睿殉難時外侮
內患叠遭不測氏歷盡艱辛卒撫孤有成年八
十以壽終

楊氏庠生郭維鵬妻壬午維鵬殉難氏年二十五苦
志撫子克守祖業子兆瑞入庠承宜領壬午鄉薦
檀氏庠生郭愛門妻愛門殉壬午之難氏年二十矢
志苦守撫兩男一女紡績自給壽終期頤邑人多之
張氏邑人郭文毅妻壬午兵變文毅被掠去氏方
十九歲子懋功尙未週氏保抱逃竄備歷辛苦
卒底成立歷年七十而卒知縣孟撫實詳旌未下

汶上縣志

卷之四 節烈

八

續氏賢裔榮光先妻結禱二月值兵火之變盜入
室欲害其姑氏以身救至重被刃傷不顧也盜
感其孝並釋之無何夫死貧無以葬氏典質衣
飾竭力襄事貧窘莫措則晝夜紡績採薪以養
姑撫孤守節六十餘年年八十四歲終

韓氏邑人夏三友妻二十而寡無子家甚貧紡織
自食苦守五十餘載詩云之死靡他氏之謂矣
孫氏儒童劉沿妻嫁二載夫死止生一女年方二
十甘心守志歸寧母家父母以姑息之愛爲謀
他適氏聞之不及回夫家卽自縊一死完行雖

烈丈夫何媿焉

胡氏生員趙士傑妻士傑死胡氏欲從恐人阻之
迨夜乘隙自縊於柩前

路氏鄆庠生王宅坦妻同知允修女也壬午之亂
夫歿于兵欲擄氏捨地奮罵兵欲殺之則延頸
迎刃無怖色兵義之曰真烈婦也釋之且解所
佩刃懸于門以戒後來者越數日兵退乃携刃
去同室婦女四人皆賴以全

姬氏鄉民王廷奇妻未二十而夫死守節撫孤姑
欲奪其志堅不從家貧無以供朝夕晝夜紡績
以奉公姑者二十年撫子成立且有孫翁姑歿
棺殮殯葬悉氏拮据人皆欽其節孝焉

汶上縣志

卷之四 節烈

九

烈女王氏二人乃伯叔姊妹一爲王應期女一爲
王應昌女長未字幼方垂髫流賊過汶掠二女
扶之馬上長女罵不絕口賊剗其腸而死之幼
者亦泣不從賊賊並殺之有碑記見在文廟
孫氏歲貢生楊穀兒婦也未屆二十夫病垂危氏
誓以死從自結一繩及夫死氏卽縊於側

續氏鄉民張士俊妻年二十四歲夫亡無子剪髮
守志苦歷四十餘年而卒

郭氏生員房維垣妻十九歲而夫故止有一女閨
月餘產遺腹子一值壬午兵變饑寒流離備嘗
艱苦卒撫子成立邑令王公扁獎曰玉節冰操
王氏邑人房元妻年二十而夫歿無所出氏剪髮
隨葬復剪耳自誓公姑哀其志爲嗣一子使撫
之

劉氏馬繼孟妻年二十二歲而寡撫一子一女奉
堂上兩世孀姑不避艱辛終始不渝邑令尚公
扁獎曰節比松筠

馮氏鄉民伊務敬妻壬午城破夫歿於兵氏年十
汶上縣志

卷之四 節烈

十

七歲矢志守節艱苦自勵撫孤成立歿後上聞
奉 旨旌其墓

姚氏童生張茂蘭妻夫故無所出誓從夫死父與
姑苦勸不從竟投繯焉時年二十二歲

楊氏生員閻翼經妻壬午寇亂欲虜之氏罵賊不
屈遂被殺

李氏邑人徐斌之妻年二十九歲而寡有子方數月
氏矢志守節以奉姑撫子爲己任時比歲荒歉
菽水維艱親操作歷險阻以婦代子以母兼師
歷年六十餘歲而歿康熙乙未邑人士具呈上

請奉 旨給銀建坊以表其門

李氏儒童岳文運妻嫁之次年生一女而文運歿姑以家貧且氏無子諷以改適不聽復授意其母使勸之氏歸寧父母以爲言氏不待騎卽抱女徒步至家泣拜姑曰旣不諒我何復苟延也有聞女呱呱於室姑往視之已雉頸死矣

烈女趙氏滋陽孝廉趙嵐曉女許配邑庠生郭升門之子年及笄矣郭生子遭繼母之虐出亡於外七年不返其父謀於夫家別爲議婚不以告女媒氏及新議者以聘來婢偶洩之遂給婢他

汶上縣志

卷之四 節烈

十一

往鍵戶自經

烈女劉氏貢生劉國瑞女許字庠生路璿之子泗元爲妻桃夭有期柏舟頌賦女于聞訃三日乘父母往弔遂自經於室

烈女劉氏鄉民劉嘉玉女許聘畢懋德爲婚未娶而夫故父母往弔女乘隙自盡於室

烈女陳氏陳士簡女許配徐蘭桂子秉宏父若翁皆鄉民也女未笄而秉弘歿女矢志殉節于夫歿之二三日乘隙自縊而死

李氏生員郭世祿妻祿亡氏十九歲無出繼夫兄

子邦域以延夫嗣苦守五十餘年卒

馬氏邑人郭祖儀妻年十八歲夫亡撫遺腹子廷然艱苦備歷以全節終

王氏郭廷然妻廷然早亡氏方十九歲撫遺腹子克有成立能嗣徽於姑焉

鄒氏邑人岳聲妻年二十四歲而夫亡孝翁姑養孤子至七十二歲而終

任氏鄉民趙魁芳妻夫故氏方二十一歲孝親撫孤守節終身八十餘歲而歿

許氏河標劉誠遠妻誠遠故氏年二十四歲有子

汶上縣志

卷之四 節烈

十一

未週篤志守節教子國瑞成名苦守五十餘年而終

張氏節孝張仲泰妻仲泰故氏生子莢矢志撫孤善事老姑子稍長爲延名師教之故莢早歲入庠成名士著述爲多士式莢婦趙氏能事姑莢歿孝彌篤鄉人皆以爲趙之賢張之報也

烈女劉氏年九歲許字於潞泗源爲妻越六載未成婚而泗源故女聞訃卽絕食求死欲與夫同穴迨五日縊而殞邑令茸扁獎云貞節全人

郭氏監生路衍紹妻衍紹死氏年二十九歲盡孝

翁姑撫三男四女皆克成立不愧節孝

路氏儒童徐克讓妻嫁甫數月夫染篤疾氏知夫必不起遂告翁以相殉之意并歸家辭其母兩家知其必死預爲防護及夫歿數欲死皆賴家人救不得遂翁憐其志急爲立嗣冀以維之氏曰承翁意死何必今日也迨三週詣夫墓哭奠歸拜辭翁且馳告其母曰兒之遲遲其死者念吾夫早逝莫爲服三年喪者故暫留此身以待香火耳今事畢矣敢辭遂絕粒九日而畢命

郭氏儒童徐廣恕妻恕病危氏年十九誓矢柏舟
汝上縣志 卷之四 節烈 十三
恕喜強起謝之及夫歿苦志撫孤備歷艱辛教子成立

劉氏鄉民崔旺命妻嫁三年而夫亡無子夫兄夫婦皆故遺子二人長明桂三歲次明煥未及一週氏以無倚之孀婦代爲撫育視猶子如已子相依者四十六年迄今明桂兄弟子孫滿堂而劉氏之皎節終身一日允堪入志以垂不朽

王氏岳峯奇妻奇死時氏年二十二歲子生僅二歲初氏欲死翁姑諭以撫孤乃勉從命以奉親撫子爲任各其子曰貞示志也自是食貧作苦

刻苦不暇歷五十五年如一日知縣聞 給扁
旌獎復蒙撫憲題請奉

旨給銀建坊旌表其門

周氏邑人路青選妻青選歿氏年二十七無所出
氏矢志殉夫因夫柩未葬朝夕哭奠及次年冬
既卜葬期氏於前一日自縊於柩側闔縣公舉
節烈本縣以死生全節扁獎之

公氏孔興仁妻氏年二十六歲興仁以恩蔭赴監
途次遇害氏聞之卽爲自裁計姑泣謂之曰我
已六旬汝孤方四歲汝死則老幼何所倚氏勉

汝上縣志

卷之四 節烈

十四

從姑命孝慈兼盡子毓珍後以恩貢任上谷別
駕能遵母訓善于職不幸又早逝遺子五人皆
幼氏與子婦郭氏殷勤撫養不惟五孤成立且
家計日豐壽八十而終遠近無不賢之

蔡氏馬雲路之妻氏年二十三歲夫歿上有衰親
下有遺子氏誓守孤幃以盡仰事俯育之責時
值饑饉雖丈夫不能濟而氏以青閨弱質獨力
支持不惟節而且苦矣壽八十七歲前邑令尙
額其門曰遺節遐齡邑令應給扁曰霜操鶴筭
洵不誣云

何氏邑人馬珣之妻娶三載而珣故氏年十九歲
念雙親在堂弱女在抱誓勵冰操翁姑憐其年
少且無子命之他適氏矢志靡他雖貧窮不少
移也壽九十歲卒節同松栢不足風歎

張氏鄉民于尙玉之繼室張文玉之女也尙玉病
死上有老母下有前妻幼子氏年二十二歲決
計養親撫孤不少移時值歲荒乃文玉迫于饑
寒陰受楊姓金欲奪其志議旣成以告氏氏念
去則喪節不去則吾父何以謝楊氏乃號泣升
車抵楊室卽托病入房見壁有懸刃遂取以自

汶上縣志

卷之四 節烈

十五

刎死後葬楊氏塋中袁家口開官黃夜夢一婦
人哀懇之有轉達縣主歸原夫墓之語開官訪
實爲言之康熙五十五年知縣聞喚其子問得
其故隨捐俸令移柩合葬原夫之墓以成其志
云

侯氏邑民楊培素妻十六歲而娶十九歲而寡無
所出念翁姑老而無依又家計涼薄遂忍死日
紡績以供菽水翁姑死拮据喪葬皆克襄事若
氏者直可謂之苦節矣

程氏楊文林妻于歸三載而夫故時氏年二十歲

因有遺腹欲爲夫延一綫之脉遂留身以事翁姑越五月果生一子矢志撫孤守節更傾囊勸翁娶妾以廣嗣姑病則祝神願代尤爲婦人所難歷四十七年以終閨里無不傳頌焉知縣聞

給扁旌獎復蒙撫憲題請奉給銀建坊旌表其門

孫氏儒童劉謙之妻謙歿氏方十九歲爲有遺腹不死後生一女遂奉姑撫女越十年以女付姑曰前之不死者恐以女累姑也今女漸成人媳將從夫地下矣姑委曲勸之不移歸家辭母卽自盡于母家一死全節烈矣哉知縣聞據公呈給扁旌獎

汶上縣志

卷之四

夫

王氏鄉民楊之俊妻年二十三歲而夫故時二親在堂雙雛在抱氏堅心守貞以盡孝慈屢遭飢荒艱苦萬狀氏百計支持卒使仰事俯育無缺歷四十年而歿鄉人莫不重之

路氏武生李如梅妻十八歲于歸二十五歲而寡盡孝公姑撫訓二子食貧作苦四十年如一日宜輿論共推其節孝也

李氏鄉民李彩妻也二十四歲而彩亡時男歿姑存氏奉養克盡教其子淑白慈而嚴今淑白者著譽序皆氏教誨力也

胡氏趙坤妻坤亡氏二十八歲無子止生二女矢志守節年六十餘而歿

曹氏庠生林瑞之妻二十五歲而夫亡苦志守節上事老姑悉盡禮下撫弱子成立爲之娶妻李氏不幸子復夭殤李氏亦秉貞烈卽欲殉夫姑泣諭之曰我無倚若果有志何不且留撫女以伴我也氏遵命孝慈兼盡數十年來婆媳苦守紡織度日直不媿雙節矣閭邑公舉到縣知縣聞給扁旌獎

李氏鄉民王承寵妻年二十六歲而承寵故氏上汶上縣志

卷之四

節烈

七

事翁姑下撫二子苦志三十餘年宗族鄉黨咸稱述不亡云

袁氏鄉民孫學妻年二十二歲學歿氏奉事公姑撫養幼子苦節四十餘年鄉人稱之

曹氏孔興智妻幼失怙恃亦鮮兄弟以孤女而殯葬父母咸克如禮已爲難矣迨適與智甫三年生子方六月而興智遂亡氏矢志冰霜仰事翁姑俯育幼子歷七十餘歲而卒今其子毓德孫傳心讀書成名何莫非氏教訓之力也

傅氏王澤長妻于歸時翁已故惟孀姑在堂小叔

一人尙在襁褓祿氏委山奉姑撫叔孝義兼盡後
姑歿叔僅七齡氏恩勤鞠育無少懈踰年而夫
亦殂氏時二十五歲無所出痛不欲生又念王
氏一脉惟弱叔在我死叔將何倚遂葬夫忍泣
撫養及長爲之婚娶王氏一門至今蕃衍者皆
氏之所貽也

程氏鄉民張銓妻十九歲適銓越二載而銓亡止
生一女氏堅志守節奉養翁姑其伯張敖嘉其
志以三子張璉繼氏以承銓祀時璉方一歲氏
艱苦撫育歷三十餘年而終前任知縣尙 扁

汝上縣志

卷之四 節烈

六

獎節孝可風

向氏鄉民徐獻珍妻年二十五歲夫亡矢志守節
公姑爲立其叔子房齡以承夫嗣家徒四壁朝
不謀夕氏勤紡績以養親撫孤歷數十年而繼
子有成家道克昌人共頌其節孝焉

連氏邑民房正升之妻十六歲而娶甫二載生
子而寡氏歷艱難窮厄始終不移壽七十四而終
房氏郡庠生雁述先妻也夫故時氏年二十八歲
遺二子二女氏善事翁姑撫育子女享年六十
餘歲而終

李氏路衍祺妻十七歲于歸廿三歲而夫亡遺孤
三人上有孀姑氏矢志靡他時遭明季荒亂同
伯逃避江南扶姑携子雖患難流離中不使姑
缺於供厥後返里躬親紡績延師教子長子億
年三子松齡皆補弟子員而次子松年成名儒
爲同安令孰非母教有以成之耶

梁氏四氏學生員孔尙聲妻年甫二旬夫故生遺
腹子衍樞氏以守節自誓孝事翁姑迨翁姑既
歿殯葬如禮教子不事姑息嘗以紡績之積延
師課子故衍樞得補四氏學弟子員而家孫興
汝上縣志 卷之四 節烈 九

義以恩蔭授大同府中路通判著賢聲遠近胥
頌母德焉

孝婦劉氏武庠邵成美之妻生自蓬門未習女誡
乃于歸後卽能孝事病姑其夫出外數年未歸
又值水災之後家無餘粒氏恐姑愁苦增病罄
其衣飾以供甘旨而自饜糟糠始終奉養不衰
宜乎四境人士交口稱頌也知縣聞 給孝行
可嘉扁以示獎勵

王氏鄉民續邦傑妻十九歲適邦傑越二載生一
子方數月而夫歿於盜時堂上有翁姑懷中鞠

弱子而家計蕭條氏百計拮据以爲仰事俯育之資乃十指勤苦而衣食漸饒亦天之所以報之也享年七十二歲而終

節壽

郭氏庠生王虛心妻也虛心遭壬午兵變遇害一子士俊亦被擄去氏時二十九歲痛夫呼子幾不欲生後幸葬夫而子逃回遂守志撫孤歷七十九年享壽百有八歲康熙四十五年郡守李給百齡扁旌獎

房氏吳珍之母孝敬風著節操克終年登百有五

汶上縣志

卷之四

節烈

三

齡誠人世所罕觀者也宜勒邑乘以昭

國朝之瑞現在詳請題達建坊

董氏鄉民張國用妻十九歲于歸二十二歲夫亡

無所出念姑早亡而翁尙存欲殉夫則老翁尙恃以養于是堅守貞節奉養老翁二十年不少

懈怠翁歿竭力殯殮復啟其姑棺與翁合葬祖塋閭里咸欽頌之節與孝均足風焉

續節烈

張氏生員林沐洙妻于歸時年十九歲越三載而夫故氏僅二十二歲無子誓以死殉氏又念公姑無依遂矢志奉養以代子職未幾翁姑相繼

而殞氏冰操愈堅族衆感慕以長房一子繼其
翁復以二房一子爲其夫嗣氏撫養脩至無少
偏私及長分產令繼子延芳以膏田讓叔此尤
人情之所難也

高氏程遠方妻也十九歲于歸越三載值壬午之
變夫死于兵僅遺一子年未週名曰彬先是氏
見夫被執厲聲罵詈求與夫俱死軍人義而釋
之後聞夫遇害覓屍不獲晝夜哀泣結尸以葬
迨事平力撫幼子勉力課讀何意彬方授室復
天遺一子僅數月氏借孀媳拮据撫育乃孫甫
汝上縣志

卷之四節烈

三

三歲而孀媳復歿氏撫弱孫艱苦備嘗卒使孤
孫成立克繼書香苦節洵足傳也

劉氏邑民劉五車妻也夫歿時氏年二十一歲矢
志守節上事老年公姑下撫襁褓二子歷艱辛
者五十餘年今七十有五猶強健不衰可稱德
彌邵而年彌高者矣

王氏生員孫綽之媳秉仁妻也仁歿時氏年二十
二歲生一子一女矢志堅守無何子女亦相繼
亡綽因家貧遊學遠方氏拮据支持姑歿極力
營葬儼然一閨中丈夫也今六十五歲矣四十

餘年之苦節允堪入志以風世

于氏歲貢生林宗智妻也氏二十四歲夫歿志守孤幃事孀姑撫幼子膝下有孫猶紡績是勤宗族鄉黨莫不嘖嘖稱頌之

李氏畢逞妻適二載而逞歿時止有病姑下有前妻子甫三歲氏堅心守節姑歿喪葬盡禮課子國賓慈而嚴俾得名列泮宮皆氏仰事俯育之功也

辛氏邑民丁盛會妻年二十七而夫故氏矢志靡他孝以事姑慈以撫子且竭力殯葬祖公祖姑汝上縣志

卷之四 節烈 三

以及公姑之生養死葬咸克如禮歷今八十有四苦節五十餘年芳名洵堪不朽云

周氏武舉田天祥妻十七歲於歸善事舅姑二十
九歲而夫亡氏晝夜悲泣不食舅姑泣諭之曰
汝子幼而我夫婦老何勿念其大者氏遂忍泣
撫子事親數年無少拂舅姑病則祝天求以身
代歿則喪葬悉如禮邑人士重其節孝合詞公
舉前任知縣雷 以節孝雙全扁其門誠實錄
也

趙氏四氏學廩生孔毓堃妻前節孝婦徐氏仲女

也幼而端莊于歸後能得翁姑歡佐夫讀書有聲庠序堯歿氏年二十八歲絕粒數日誓從夫死其兄湛泣告之曰妹死固善如幼甥何遂勉進飲食教二子慈而有禮咸克成立邑人欽重之以爲不媿阿母云

林氏邑民李維翰妻也生一子甫六月而翰歿氏年十九歲矢志靡他高堂賴之以成人苦節幾三十年而終

王氏鄉民張鶴妻年二十一歲而夫歿志守孤幃堂上惟孀姑是倚一夜盜入室將縛姑氏從蚤

汶上縣志

卷之四 節烈

三

室挺出曰家事我掌勿驚我年老姑出簪珥衣飾付盜盜感其孝而去姑年六旬染癰疾氏左右不離雖溺垢不嫌污寒暑不辭瘁姑至八十餘歲而終皆氏孝養之力也遺一子早夭謀諸近族繼堂孫以承宗祧其明於大義又如此今已七十三歲苦節五十餘年宜鄉里咸以節孝嘖嘖稱頌云

續按明宗伯吳公曰朝廷旌表之典原爲愚夫愚婦發潛德之光以風世耳若士大夫家何人不當爲節義者名言哉乃後世則惟顯有力者獲邀而閭巷中多泯泯矣安得如吳公者起而正之茲於輿論所推備爲採之俾弗懈芳型雖不得盡邀國典而垂諸簡冊或不至數歲而後湮沒無傳也

卷之四終

汶上縣志

卷之四

續修汶上縣志卷之五

西泠聞元炁續編

續雜志

災祥

續敘曰一語回熒九疇合道雖曰天象實由人事是以聖人雖不語怪而石言桑拱羊舞鶴飛有災必書所以垂戒也汶自前啟禎後災異迭見兵戈屢擾嗣後水旱薄蝕之變歷載多有備爲之誌所以紀異亦以見挽回補救之道不可一日或忽也

汶上縣志

卷之五

災祥

一

明天啟二年二月地震異常越五日有鄆城白蓮教徐鴻儒之變

崇禎十三年大旱蝗斗米三金父子兄弟互相食土寇蜂起民飢而死者十之八九

十四年秋大稔

十五年黑風彌天城上守兵刀鎗上起火光數尺人家釜底無火水自滾沸發響聲聞於外十一月東兵破城白蓮教徐鴻儒破鄆過汶賊首李青山李明吾蔡奶愁搶掠四郊至順治八年始獲平定

皇清順治四年大水平地深丈餘禽獸死者無算

五年八年九年俱大水

十二年八月初五日郊時地震有聲如雷

康熙四年春大旱

七年六月十七日戌時地震自西北至東南有聲如雷官舍民房多塌毀時有壓損人口井水湧出河水上岸

二十五年秋螻生

二十九年蝗災

三十年蝗災

汶上縣志

卷之五

災祥

三十一年元旦日食狂風終日

三十二年正月十五日狂風終日晝晦不辨二

十八日卯時天色紅如血稍間變爲黑氣漫天

大風晝晦人對面不相見

三十三年五月二十一日未時河西兩雹大者

徑尺打死數十人蝗虫遍野

四十一年大水

四十二年大歉欽差大人四員發帑并留漕賑飢蠲免本年錢糧至四十三年春有相食者賴多方賑濟始得全活

四十八年六月大雨三晝夜遍地水泛田禾湮沒後蒙

皇恩蠲免錢糧民賴以甦

五十二年五月十三日大風拔木損壞房屋無算

物產 詳見舊志

古蹟 詳見舊志

行幸

續敘曰古者問俗省方所以詢民疾苦故巡狩述職民依賴焉典綦隆矣我

汶上縣志

卷之五

災祥物產古蹟行幸

三

皇上屢次南幸

赦蠲疊沛老幼男婦皆得歡呼瞻拜

均沾

恩賜豈非千古罕觀者歟是烏可以不紀

康熙二十三年

聖駕南幸十一月十九日經汶上駐蹕草橋西北馬家

店

二十四年

聖駕由東路南巡由水路回鑾四月內經過汶上境

二十八年

聖駕南幸由水路回鑾三月十一日經過汶上是年

恩赦木年丁地錢糧凡八十九老民賞賚有差

三十二年

欽差大人修曲阜

聖廟奉

旨遣

三位皇子致祭闕里十月內經過汶上在東門外安

營由東路回京

三十七年

聖駕由東路南巡由河路回鑾四月內經過汶上境

四十二年

汶上縣志

卷之五

物產古蹟
行幸

四

聖駕由水路南巡二月內過汶仍由水路回鑾四月內

過汶境

四十六年

聖駕由水路南巡二月內過汶境仍由水路回鑾五月

內過汶駐蹕開河北朱家灣

陵墓

先賢榮啟期墓

在曇山之巔按榮子在七十二賢之列唐封雩樓伯宋贈原次侯載

在關里誌昭然可據舊志雖列人物之中只載與孔子講二樂軼事而墳墓偶遺今續志於此

以表遺蹟云

明尚寶司卿王命新墓

在城

里

村

潼關副使李燦然墓

河南知府高 然墓

兵部主事郭凝鼎墓

廬州知府王虛白墓

皇清

汶上縣志

卷之五

陵墓

兵部督捕主事趙增墓

戶部主事戴名振墓

刑科都給事中岳峰秀墓

寺觀

詳見舊志

官室

詳見舊志

續修汝上縣志卷之六

西泠聞元昉續編

藝文

續敘曰自有文字而著述之富不可勝紀然志以邑稱則詩賦序記必有關於邑者始取焉非徒侈引覽資博物也汝邑素稱才藪又地當南北之衝冠蓋往來不乏君子則憑弔勝境俯仰人物以及褒貞表烈應多鴻章鉅筆足爲山川景色矣乃舊章淪亡老成凋謝博採之下徒深景行間有取者未必得什一於千百也尙望繼起

汝上縣志

卷之六

藝文

者悉心網羅以備太史之採爲續藝文

詩

南旺夜行

薛應旂

浙江學憲

長安六月東歸客黑馬溝前夜放船楊柳月侵湘竹
簾芰荷風動水晶簾未酬禹穴藏書計却憶匡山種
杏田可柰塵途猶寄跡滄浪空賦濯纓篇

南旺謁分水龍王祠

鱗甲往來中靈竒奪禹功平分泰山雨兩使濟河風
岸似黃牛斷流疑白馬通始知青海上不必盡朝東

汝上道中

施閏章

提學

半霽春陰好平沙趁馬蹄桃花村徑裏楊柳板橋西
薄霧濕新麥清流到舊堤如何寒食過不見燕銜泥
武節婦吟節婦前志未見存此詩以誌之邑人王命新尙寶司卿
寒食午夜寒風烈枯腸枝帶杜鵑血武孀貞骨香雲
生蝼蟻恍惚聞嗚咽當日夫君死藥市哭聲震烈萬
人肺抔土墳成漏澤園拜結雲鬢矢永棄襟腰縫聯
細如織縫時盡爲紅淚濕停針已逐夫君遊微息奄
奄猶七日國人感嘆聲不絕昇棺葬之使同穴天容
慘慘秋雲黑空翠片石紀年日

贈貞節馬毋焦夫人

前人

汶上縣志

卷之六

藝文

二

霜空黑月昴星孤側側寒風咽螻蛄三世命絲寧有
蒂卅年心血總如荼桑田荒去憑誰問弓冶傳來始
漸蘇曾向斑斕庭下者爲詳歷歷皆辛無

苦雨

趙文炯

三旬不見日炎暑忽經過屋漏頻移榻池平恐沒荷
雲深苔徑滑葉密雨聲多夜半愁晨變無薪可奈何

憂歲儉

前人

萬戶齊號枵腹春窮儒羨字不療貧無知甚楚應憐
我多病支離也笑人行國怕看民蹙額歸家愁聽婦
呻吟清輝祇有柴門月皎皎庭前照釜塵

蜀山湖雨中觀蓮

邑人趙

錦庚子舉人

好雨隨風洗露翎，扁舟搖曳入空冥。
曠懷時寄陶樽綠，踈性常同阮眼青。
近遠漁人依岸住，沉浮鷗鳥傍花停。
詩成湖上遙峯碧，潦倒何妨醉復醒。

南旺湖堤次李考叔韻

宋

琬

布政使萊陽人

長堤曲曲接平沙，岸柳陰陰遶徑斜。
惆悵浣沙人不見，芙蓉空對水紅花。

吊節婦何氏

眼底飛花不復春，含愁強作未亡人。
但令一痛隨君死，豈愛千金墮妾身。
血淚未乾應有恨，鏡鸞已掩更汶上縣志

卷之六 藝文

三

生塵芳名從此同，明月常自清輝照古今。

前題

龐時雍

邑人主事

少婦含哀慟，隔年忽教賫恨掩重泉。
千秋艷質埋芳草，一點貞魂託逝川。
巢燕樓前春已盡，杜鵑枝上月空圓。
可憐三載幽閨思，直到如今淚始乾。

拜分水龍王祠

張新標

高堂孤峙大河邊，懸溜中分石徑穿。
泗汶百灘爭二水，繹蒙千派導諸泉。
荒苔鐵鎖蛟龍宅，斷碣灰沉符籙年。
南北征帆競渡急，不堪回首各風烟。

謁宋康惠公祠五首

董

訥

潛督

祠堂高峙墓雲中汶水分流轉運通自是千年留異跡人間爭說宋司空

四櫃功成鎖萬流湖光蕩漾出龍湫何須海運勞廷議從此輕帆達帝州

亭亭風節照乾坤却讓恭襄荷帝恩杜宇聲淒雲月冷蜀江萬里黯中魂

康惠於今頌令名當年誰與奏承明可憐恩禮歸權貴辜負勞臣萬古情

牢落風塵欲問津停驂入廟肅明禋尙書能用修防策配享何無白老人

汶上縣志

卷之六

藝文

四

分水祠致禱

前人

汶水失朝宗高築嚴防禦洪浪忽西奔四櫃爲藏貯風濤在掌中區畫如累黍七分合漳衛以三會徐呂一水南北流轉輸無攸阻海運旣涉險陸運非善舉飛輓入漕河萬艘每鱗序於今數百年厥功稱最鉅我懷康惠公入廟瞻鐘簋謾謾松風前再拜相告語我亦督漕人憂心靡寧處方寸契千秋孤踪吾與汝早久滯百川沙停連荒渚願得藉洪流用以報當宁

題宋康惠公祠堂

張鵬翮

汶河今隄史部尙書

康惠祠堂汶水東我來覽古識清風昔日胼胝老白

髮今時伏臘走村翁
河湖循軌田疇易
南北分流運道通
爲喜新墩交會處
老臣開濟此心同

題白老人祠

誰識廬中一老翁
尙書有夢訪飛熊
若愚大智勞心力
胼胝經營著茂功

題分水廟

朱葵尊 翰林秀水人

落月西風動戍樓
津頭官柳繫孤舟
行人莫唱思歸調
汶水南來已北流

汶上咏淮陽同知路東臬賑飢事 有序

汶上縣志

卷之六 藝文

五

歲庚辰自春歷夏畿南接齊魯皆旱災流離枕藉者幾滿於道汶陽路東臬先生乃倒囊橐飯而藥之糜數千金活者以萬計嗚呼世不乏富貴人率以金錢爲性命卽鄰里鄉黨莫之救恤况異鄉道路之人乎先生獨能爲人之所不能爲齊魯仁人天下義士也予奉簡命道過汶上聞讚頌聲不置因爲之紀

年飢若見化工偏
載道哀鴻孰爲憐
賴有春風吹齊魯
能除菜色潤山川
金錢散盡還無倦
玉粒糜空尙怒然
一片心涵千古意
沛成霖雨補青天

癸未歲

遣官四員發帑一萬二千五百兩截留漕糧賑濟正黃

旗德明與焉遊廟詩二首

小殿新成壁上圖
画工仍画舊規模
好教粉墨些須筆
留画流民與餓夫

食粟應慚四十春
空留落落一閒身
安能四十年來粟
散與中都數萬民

渡河

邑人岳峯秀

刑科都給

烟迴平湖濶茅廬
日氣黃人家憐杼軸
鳧雁喜翱翔河水
分涉歷山嵐入木蒼
此身隨處好不自解
行藏汶上縣志

卷之六

藝文

六

中秋汶陽道上遇雨

前人

白鳥羣翻雪黑雲淡復行
西風吹綠樹踈雨滿高城
世事隨人語寒暄迭物情
不知今夜月可共酒杯明

送友蜀山湖遇雨

邑人路世禎

鼓棹採菱茨芣空蕩小
霽霧沉千樹障風急片帆遲
綠鬢摧嬌艷紅蓮吐嫩姿
促僧尋杜釀有酒且敲碁

謁王將軍彥章祠

西泠沈

情遙村

將軍狗難著忠心人死留名
直至金汶水荒祠神慘澹
墓門有棘氣蕭森頽垣半雜
莓苔古遺趾頻驚風雨侵
若使維新豈好事請看史冊
重儒林

吊郭烈女

楊于國

同知管縣事

苦節彤管不乏人弱齡甘死邁齊倫未經識面先心
許惟解捐軀取義真聲斷顙天雲尙慘血流觸地草
常新可憐黃壤枝連理正彙今時在幃巾

題董孝子碑

在開河鎮孝子見舊志

邑人趙增

督捕主事

白雲紅菊滿牆東樹木悲悽處處同幾尺殘碑傳孝
子數篇新詠動衰翁生身父母誰能養賣菜傭兒伊
獨隆香染河流流不盡好從行路溯遺風

前題

邑人趙

瑤舉人

誰從父母見天真三百年來第一人豈爲名行標孝
汶上縣志

卷之六 藝文

七

子只將菽水慰慈親雞餘度上空留客榼採簷頭不
染塵奉養休看容易事到今閭里話津津

吊室女劉氏死節

趙增

雲掩媿星夜月孤未會結襦赴長途眼看白晝雖無
侶身到黃泉自有夫繫足不成寧繫頸呼卿未遂願
呼奴千秋節義歸阿女遙奠霜墳酒一壺

前題前韻

趙瑤

巾幗獨留節義孤窮途何必是迷途畫眉寧讓小兒
女仗劍能羞烈丈夫寒落蓮房還並蒂拆飛雁陣不
甘奴千秋心事如冰雪不惹纖塵到玉壺

吊孫節婦 用前韻

趙增

氣凌今古一身孤，携手同行歸冥途。振起大綱，閨有女挽回。末季世無夫，鴛鴦拆去羞。從鴨鴻雁分飛，恥作奴。預識瑤池王母座，雙雙拜舞入方壺。

吊楊節婦 用前韻

趙瑤

高懸日月姓名孤，赴義如飴豈畏途。共挽鹿車今已矣，獨揀井臼亦悲夫。玉樓人是修文客，婆幃我非長命奴。四世清操無一玷，甘隨大鳥到瀛壺。

感處女劉氏殉壻投繯作 邑人路松年知縣

桃夭未詠好逑孤，頓爾幽明隔兩途。百歲爲期曾許

汶上縣志

卷之六 藝文

八

字初心肯易更從夫，甘歸地下隨鴛侶。耻向人間作雁奴，不止芳名垂簡冊。還應貞魄列蓬壺。

蜀山讀吳介肅公詩集有感 趙增

掛冠歸作把綸人，勁節高風誰與親。湖水光生三界夢，蜀山影緒百年身。銅駝荆棘留朝苑，明月蘆花屬老臣。慷慨於今徒悵望，挑燈無語淚沾巾。

吊四逸士 前人

心懸日月爲誰酬，了結一身願始休。慚附炎蒸炊避灶，羞呈圖畫被蒙頭。食殘薇葉蒼天閉，採盡芝苗大地幽。莫謂四人姓名隱汶陽。

秋

端陽日

聖駕過開河鎮

彩旌迤邐射波紅
畫鷁乘流馭順風
日照牙樯懸艾虎
霞侵錦纜駕飛龍
兩堤男婦迎天笑
萬國山川獻帝功
長縷無庸呈五色
華封三祝古今同

蜀山春望

前人

波心一柱古今奇
淑色晴開萬頃陂
地軸無痕生石笋
雲根有路接金堤
霓光食雨漁翁覺
蜃氣成樓衲子知
極目烟嵐迷草樹
振衣長嘯起深思

湖市

春夏雨漲湖市特現與海市同

前人

汶上縣志

卷之六

藝文

九

滄茫汶水滙三湖
勢控分流此地孤
人物升沉千載劫
樓臺出沒九如圖
收來眼底成真幻
捲去空中看有無
蒼狗白衣何足異
須臾天地一荒蕪

前題前韻

趙瑤

長堤盡處是西湖
草樹陰陰幻影孤
鮫室織人明似練
瓊宮珠蘂隱如圖
千家城郭雲霄出
四壁樓臺鳥入無
回顧山村迷逕路
天台幾日到平蕪

和梁雪樵明府遊蜀山湖

趙增

獨立蒼波裏空濛
浴翠連雲開泥印
月水漲浪摩天磬
發綺琴劍鳧飛野
鶴前心閒忘物我
為倚采蓮船

題宋康惠公祠

邑人宋士枚舉人

長堤柳映翠烟浮二水平分不斷流吳楚風帆千舫
月荻蘆波影一湖秋漫將三策稱奇績還勒千年擬
壯猷那得他人窺畔岸端憑明聖計勲酬

東樓懷古

即城東門樓上有李俱本醉歸詩

前人

覽古多垂淚尋芳去步遲危梁驚小燕斷壁少全詩
可惜行吟地迥殊上馬時登臨無限意矯首望南池

贈邑侯樊父師

趙瑤

汝陽花接古河陽更喜春風到草堂玉塵迎人皆雨
露繡囊惠我有文章園林日厥麥桑潤雞犬村明桃
汶上縣志

卷之六

藝文

十

李香共沐恩波思不盡願從父老頌龔黃

王氏岳生峯奇繼室也年少而寡節孝兼全業
蒙旌典表厥宅里矣余守土者也爰贈長言并
示風勵之意云

聞元昊

知縣

徂徠之松新甫柏經歷歲寒見標格閨中懿範孰能
全瑯琊于歸江陽宅爭傳節孝式鄉邦荆釵裹布猶
甘厄雞鳴昧旦獨賢勞琴瑟雍容婦工劇相夫意苦
龔成名解珥脫簪供肅客蕙藻蘋蘩亦薦新幽閒貞
靜端無闕夫何鸞鏡忽分開矢志靡他堅匪石幾欲
身殉義未能翁姑淚囑延宗脉承歡廿旨代良人

菽九熊儼師席四十年來茹蘖難肯堂肯構而今闕
諸孫林立著膠庠天道好還若咫尺五色

絲綸出建章汶陽自此垂方策

文

儒學叢先生重修儒學記

闕里

孔印鈺

太常博士

先生蓋不世出之才也心聖賢之心行豪傑之行鯁
介直方慷慨好義落落有古道存當幼學壯行時負
凌雲之志抱破浪之懷登萊郡邑士子得列門墻者
類多脫穎而出歲戊申來司汶鐸課士惟勤衡文惟
正論易有學易叢書論文有山泉問督學周公以先
汶上縣志



卷之六

藝文

十一

生爲首薦其訓迪之功不旣彰彰較著哉邑學宮遭
明季兵火之變存者十之一燬者十之九先生惻然
念之每於講學之暇經營補葺迄今歷四年於茲矣
其因傾圮而重修者則爲大殿爲戟門爲明倫堂敬
一亭是也其考遺跡而建置者則爲啟聖祠爲東廡
爲東西兩坊爲儒學門是也而且補造木主修整籩
豆先生於數年間勤勞是務淡泊自甘帛不加體味
不兼口捐 朝廷養身家之俸盡以供修理宮墻
之費所謂不世出之才非先生其誰與歸先生登之
蓬萊人也諱貞一字太清戊申年任壬子卒於署邑

孝廉李君方遠廩生郭君文亮在先生之門墻爲最契先生修學之功二君皆有贊襄之力焉因并志之是爲記時康熙十一年

禹王廟移建南旺碑記

襄平靳輔

總河尚書

堯舜德之至者也功則得人而成湯武功之大者也德則因時而升降若夫德侔二帝而勲華並藉其功功冠三代而商周猶遜其德者厥惟夏后氏哉故昔賢嘆禹明德之遠又謂禹之功與天地並蓋自有天地而爲世之大利大患無如水者一自平成底績以來何人不賴其憂勤以釋木處之顛土處之病而資汶上縣志

卷之六

藝文

十三

舟楫灌溉之利以至於今乎是宜通天得廟祀而崇奉之以志不忘莫定所自始而况南條北條之水滙九州貢賦之所必經其邀靈於神聖者寧淺鮮哉而可無以妥憑依隆祈報歟任城之南郊故有禹王廟雜處諸神祠間位置失宜非所以明教向未有釐正之者余以康熙丁巳奉

命督河首虔謁廟廷下則又卑陋湫隘不堪瞻仰尤非所以昭永賴之報也迺慨焉謀諸僚屬曰吾聞大禹卑宮室夫子稱其巍巍乎有天下而不與然則區區一方之廟祀與大聖何有雖崇飾之不加益卽因

陋就傲不爲損也處之義皇之上不加尊卽置之非類之列不因而卑也然稽古祀典有其舉之莫可廢也又曰精意以饗禋也而偶處之而褻置之明神弗獨其獲戾不滋甚於廢耶謂宜遷諸寬閑爽塏而特祀焉僉曰然非特事神之道宜爾也亦以伸正教也一舉而兼得焉其毋庸再計於是相與庀材鳩工出廩稍惟恐後卜地於南旺分水口其東溼則前代正德間遺廟故址也路僻軌稀過者窘步因撤其朽敗而於西岸重構正殿三楹移像其中又東西廡各三楹軒陛門垣悉按規制勿侈金碧勿混囂塵自康熙汶上縣志

卷之六 藝文

三

十八年五月十五日肇建於十九年冬十月告成僚屬請余誌其始末於石余按南旺湖卽古之大野也向讀禹貢大野旣瀦東原底平竊疑凌谷代遷古蹟寢以湮沒未可臆定及考地志謂大野在鉅野縣北又云鄆州中都西南有大野坡乃曉然信其可據蓋今之東平州卽鄆州乃古之東原而所謂中都則今之汶上縣爲南旺所隸屬合古經志與今郡邑形勢度之其爲禹功要區可知夫上古建都皆在冀州方域之內而揚兗徐數州所貢悉由大野而達是今日之南旺在虞夏時已爲貢道之要會矣况我 國

家居重馭輕宅燕都而聯六合轉數百萬之儲糈以供億萬載無疆之國計專恃此一綫運道而通信乎四方攸同維禹之績也前代於茲立廟始亦有見今者吾輩師疏鑿之故智稟利導之良規方兢兢焉惟曠墜是懼敢憚經營而鼎新之以釋偶處褻置之愆乎若乃古聖王德功並至與天地同流與日月爲照臨洋洋乎無往而非神明之昭格者不係乎區區一方廟祀之更新也是爲記康熙庚申十月之吉

南旺義學記

虞山蔣陳錫

濟寧道今雲貴總督

昔董仲舒有言曰上之化下下之從上猶泥之在鈞汶上縣志

卷之六

藝文

古

惟甄者之所爲金之在鎔惟冶者之所鑄爲民上者而欲弘甄治之化舍學則何所從事哉古之教者家有塾黨有序法至備也後世建學明倫在朝廷則辟雝在郡縣則泮宮而已其他州閭鄉黨無聞焉由是民之愚者猶搏搏之士其智者又躍冶而出無所模範豈非父兄之教不先子弟之率不謹耶孔子曰十室之邑必有忠信若窮鄉僻壤之民而使之目不睹聖賢之書耳不聞先生長者之訓吾恐水車秧馬中其埋沒文人學士者不少矣又况父子詬誶姑婦勃谿箕帚之間而有德色豆觴之際而無遜志

孰非不學無術之過乎然則欲一道德美風俗者舍
學何所從事哉南旺距濟寧七十里而遙一村落后
而爲汶水分流之處昔宋尙書濬會通河從白老入
計決汶水之七使北行又決其三使南下如是般般
通行無礙迄今廟貌依然民繁庶隱若城市然其
民習於耕鑿勤於畚鍤役土田父比比皆是求所謂
橫經講藝詠謨先王之風者蓋十不得二三焉非廢
學也樂其俗而安其業遷正其地而弗能爲良也郡
司馬羅君惻然念之謀諸衆曰義學之設所從來已
久而於此尤宜因購隙地於其間庀羣材鳩衆工上
汶上縣志 卷之六 藝文 五
不費公帑下不煩民力畫宮於堵而績於成爲堂五
楹房如之兩廡稱是設砲臺於西南隅備不虞也其
東北則建奎文閣昭物彩也擇士之良者以爲之師
束脯糗糒之類出諸宮中重師傅也此都士子有操
制舉業而來者就上舍挾兔園冊而至者就下舍條
教井然向之瓜哇蔬圃一變而爲詩書絃誦之場嗚
呼盛矣方今

天子聖明崇儒重道大司馬張公河工報最宣布

朝廷之德意嘉與維新而羅君且汲汲然甄之治之俾
含哺擊壤之俗咸知向學以鼓舞於休明之代安見

他日之升於司徒光於上國者非卽此譽髦斯士乎
夫爲政於鄉與爲政於國無以異也爲政於國與爲
政於天下亦無以異也觀此可以知羅君異日之政
矣傳曰有其舉之不可廢也後之君子其當守而勿
斁是爲記康熙壬午仲夏吉日

重修分水龍王廟記

虞山蔣陳錫

山東巡撫
聖雲寺總督

汶上之有分水龍王廟由來舊矣其創建載於邑乘
不具論顧其靈應之在人者則不可以不記也余同
年海寧陳廣陵先生嘗爲余言未第時舟過廟下值
水涸瘳禱於神水立至得濟併示吉夢廣陵登鼎甲
汶上縣志

卷之六 藝文

六

歷任至少宰今巡撫粵西右左券焉因捐俸五十金
爲之倡而余亦以戊午計偕泊舟南旺夢至一處地
勢最窪愈折愈下如入冥冥之庭有衣冠者北面坐
儼然森羅殿也謁見禮畢△叩余坐併出一牘曰延君
至此此人捕鳥誤傷人命當入輪迴報應惟君決之
余視之曰此無大過小民計口腹耳且弋射漁釣聖
王弗禁當以誤殺論王者肯余言遂具疏奏上帝及
驚寤竊以知神之所司不專在分水也夫余與廣陵
兩書生也方風塵未遇世不_能知而神獨知之一以
默相一以_次疑非聰明靈爽_泗往知來之明驗乎今

廣陵在粵之西而余承乏於山之左雖與咻其民不
及廣陵遠甚聊以繼廣陵之志而爲之捐俸以落其
成庶幾過斯廟下者有所瞻望起敬以邀靈於無既
也遂書其事而爲之記

重修城隍廟記

西泠聞元炁

邑令

寰區廟祀各殊而惟城隍之祀則周天下而無異蓋
治分幽明教別陰陽而城隍則職陰教而實資乎陽
教者也然則崇奉者棟宇之壯麗金碧之輝煌顧可
勿飭歟邑城隍廟創建舊矣乃歷年旣久風雨剝蝕
殿宇門廡咸頽敝弗整其何以棲神而肅觀瞻乎且
沒上縣志

卷之六

藝文

七

又奚以祈神之佑以惠我元元也余於戊子夏來宰
茲邑甫下車展謁廟祠卽慨然有潤色之思直以視
篆之初簿書叢委未遑驟議興作也迨閱歲遍觀百
爲畧已就理惟茲神廟尙飄搖於凄風苦雨心甚怵
焉於是度材計費卜日鳩工而捐俸以襄其事由正
殿而兩廡而大門戲樓或撤而新或葺其舊無侈前
規足炫後觀蓋棟宇全碧無不巍焉煥焉咸慶維新
神之所棲將在是矣且學士大夫以及愚夫愚婦入
廟展拜者皆有以聳其瞻視而動其爲善去惡之思
則其理陰以資陽者亦卽具於是矣工旣竣爰勒貞

珉以紀歲月是爲記

重建八蜡神祠記

閏元辰

古者天子大蜡蜡也者索也每歲終聚萬物之神而索享之也所謂八蜡者以其神之有八也總統之於蜡者皆以其有功於農而祀之也典綦重矣哉邑東關舊有八蜡神祠前萬曆間邑令張惟誠建歷年久遠傾圮無存所餘者基址而已康熙庚寅大旱湖涸蝻生蠕蠕者遍湖坡也余日夜焦思謂蝗果起民無歲矣可若何旣而曰是當問諸田祖乃竭誠設祭於廟址而爲文以禱之越三日蝻盡死不爲災是歲且汶上縣志

卷之六

藝文

六

有秋余益曉然知神之有功於民而廟祀之不可以弗飭也爰是鳩工庀材卽遺址而重構之中爲正殿三楹外監以門繚以週垣而以時展祀焉今而後廟貌嚴肅神有所依不惟司蒸嘗者拜謁有地彼邑人之報賽田功者亦有所瞻仰而得以伸其誠卽神之著靈應而作福於人者將益廣且厚矣敬勒石以志歲月并以告後之守土者俾知神之靈而祠之不可以弗飭也是爲記

贈旌表馬母焦氏序

邑人

王命新

尙寶司卿

余吟隴西之亂而有感也謂人生在自立耳及見周

伯仁之母自請爲娣竟使其家方幅齒遇於一時又未嘗不重其善自致也今以焦夫人之義視諸絡秀有賢焉者夫人非聞族也初爲乾吾先生副室生兒纔數月而乾吾棄世使得從先嫡以翊贊家政猶無難者乃天復奪之正室時乾吾之母尙處於堂夫人事之如其子在嫡之諸女未出於室夫人畜之如其母在子光乾離襁褓漸就外傅夫人教之如其父在蓋已人情所難矣乃乾吾之產素爲饒裕族之貪暴者垂涎日耽耽於藐諸孤外侮內難紛然四至有應接不暇者夫人卒能脫子於難以有成立迄今三十

汶上縣志

卷之六

藝文

九

餘年諸孫羅列業日隆隆起視昔懷抱弱嬰喘息恐聞時授拙黨如拱揖聞叱詈如唯喏朝焉夕焉危委於不可知之天者况之苦愉寧能有忘耶然不可知者天也可知者我也夫人委其所不知故能與子以有成也邑諸生上其事於諸臺諸臺旌厥閭焉今願贈之以言是爲序

焦氏顯節錄序

前人

新猶及乾吾先生試藝也於時先生面庭酢醢罍罍似翁矣不知其年之壯也及先生以三十九歲而亦不知其後事之若何也又十餘年無子

文相示曰此乾吾之孤又不知其前訓之若何也
鄂圃李君館於高里者且八年聞其內範甚悉歸語
予曰夫儒童者焦夫人出也乾吾去世時數月耳其
育且誨之者盡焦夫人夫人初哭夫時甫二十餘衰
姑在牀弱嬰在抱先嫡之遺因在閨族中之橫逆在
側乃克老有終而幼有立也艱哉於載籍中未數數
見矣予始知吾邑有焦夫人繼又聞其嫡之垂絕也
曾召二女命之曰吾從爾父遊地下汝祖母髦矣所
依爲命者惟焦妹耳而後乃今事以繼勿以庶也二
女泣拜諾諾及歿二女毋之而夫人退然自下也卽
汝上縣志

卷之六

藝文

二十

暫時坐止未敢處尊三十年拮据家政而奴婢未見
其疾顏厲色者予曰是焦夫人之所以能植其大節
者歟今諸生概其行實以例請旌而諸臬使咸下檄
於縣表厥門閭矣乃其初請時誤稱繼室夫人聞之
輒大恚泣曰吾三十餘年未敢有僭越之意柰何使
悖先死者於九原也其子懼遽謀於予予曰國家旌
節無間妻若妾也卽以情控上亟正之噫嘻夫人於
義無所讓也於分無所爭也所以能植其大節者在
是乎在是乎其子仲禮錄其上下移文付之黎棗予
因題之曰顯節錄而序之如此

郭公侗孺傳

王天眷

工部侍郎濟寧

郭公諱明睿字侗孺著籍汶上大司空會孫憲副公士奇之仲子也生而穎敏不好嬉戲齟齬會賓客儼如成人見者器重之與伯兄俱授業於本族進士開濟公公性嗜書雖累世貴顯而絕意紛華歲十三客有譽公門第者公艱然曰古人云門第可畏不可恃吾方以此爲懼何勞譽乎客嘆服年十七補博士弟子員崇禎庚午憲副公官京師罹火災聞報三日夜馳至京侍湯藥能得歡心歸與伯兄讀書一室伊唔不輟研窮義理惟宗程朱邀名士爲文會又工臨池汶上縣志

卷之六

藝文

三

真書得鍾王之神草書絕類懷素帖括之餘兼喜談兵雖韜鈴專家莫能逮見天下寇亂慨然有擊楫之志庚辰大中丞王公奉詔討渠寇李青山於棘梁山公率一旅衝鋒陷陣數戰皆捷獲青山獻俘中丞王公上其功詔給扁褒獎俟再有功叙用壬午大兵入塞伯兄避海上公送之聞報星夜馳歸夜深至莊上有從叔勸曰兵深矣勿遽入城被圍柰何公曰吾父在城誰爲護持有僕牽裾跪勸公正色叱之策馬晡入城未刻被圍客有勸憲副公潛逃者憲副公曰吾生平以忠義爲心事懼雖不我屬我已世食君祿矣

城苟破吾惟效死斷不苟免客復勸公去公亦曰吾父爲國吾爲吾父不知其他味爽城西南陷報至公謂士卒曰爾等從吾出城稍遲觀變以圖後效乃甫渡濠士卒皆鳥獸散副憲公與公爲遊騎所圍公奮擊潰圍出迴視憲副公猶在圍中爲格鬪狀復人圍愈厚爲亂兵擁仆不得出遂與憲副公同遇害嗚呼父死忠子死孝志烈秋霜何如是其凜凜也方之晋卞壺父子何多讓焉時公年方三十英風豪氣未竟厥施惜哉郡庠郭生永昌同被圍親見其事詳言始終如此

汶上縣志

卷之六

藝文

三

明增生路君依小傳

邑人岳峰秀

刑科都給

路公諱世禎字君依邑世家也高祖迎大司馬曾祖楷巡方關中祖可行封布政司叅政父孔道任虹縣教諭忠厚貽謀五傳而君誕焉生而直方矜名節風規稜稜也冲年遊泮補增淹貫經史厄於數屢試不第因就曠墅構茅屋數椽課子弟以舉子業行晨昏定省禮每朔望設香案北拜集里人促膝環坐與子弟言孝與父老言慈與衆言仁讓言嫺睦諄諄懇懇無情容無怠志中有不順於親不遜於長悖訓作非者衆共訕讓且不齒於是敦行者勵敗行者羞二十

餘年里中不聞有雀角事君精星躔窺天象預知雲漢將作凡糠粃及諸野菽皆覓而積之室左右竊笑之君曰汝何知吾將以利濟也旋割東平州蓮花灣庄一區獲金七百餘兩抵臺庄糴麥一艘載歸藏諸廩家人多怨甚君曰嘻吾欲舍我膏田爲我子孫種良田家人不知反我懟我姑聽焉未幾崇禎辛巳春果大歉人相食諸村十殞八九君出所藏麥賙里中急不繼則雜以糠粃又不繼復雜以乾菽又不繼舉所有大榆百餘株盡削其皮而分餉焉由是一疇之區悉免餓殍皆祈增君壽祝君有令嗣及康熙癸卯汶上縣志

卷之六

藝文

三

仲子光岱登賢書諸孫悉列黌序曾孫復振振興焉豈非爲善之報哉洵可以風矣是爲傳

明孝廉郭公翼聖傳

膠州王 懿 大理寺卿

余與郭子嶠航同選拔客歷下邸寓相接晨夕晤言因得悉其家世知嶠航爲翼聖公子也翼聖公諱文郁字翼聖曾大父以制藝起家致位大司空大王父王父皆以廕列郎署華盛通顯甲於中都公嶽絕純樸性嗜書與仲弟侗孺公皆師事從兄進士開濟公年十五公父少司馬宦京師戈太宜人潘宜人皆家居周旋重堂間咸得歡心迨歲庚午少司馬罹火災

公仲弟赴都省父患公在家侍母病問視榻側衣不解帶者三閱月宜人卒哀毀幾不能生而棺衾含禮又皆盡禮弱冠補博士弟子員試多前列已郊薦賢書時鬪寇猖獗上命直省鄉貢士兼試騎射公九矢皆中的大中丞直指使交口稱奇掄爲射元癸未東省寇江公避亂青州之顏神鎮紳士慕公德望推公攝鎮事辭不獲已遂受任調度有方鄰境皆劫灰而顏神獨安堵無恙大中丞甚器重之

皇清定鼎大中丞給咨赴部選公辭就制科丙戌歸里土寇肆兇避居泰安之磚舍村市薄田構茅屋志甘

汶上縣志

卷之六

藝文

十四

隱逸同門友閆公諱廷謨任憲副駐節岱下密邇公村五年絕不往見後閆公知公隱處親往顧之公辭不出閆公曰干木泄柳於今再見嘆息久之而去嗣是徙居寧陽之泗臯村省治壘足跡不入官府者四十餘年或勸公仕公笑曰墓田可耕遺書可讀樂此足矣馮相國易齋公同年友也欲薦公先致書公力辭疏遂寢公性謙和有犯不校尤敦友愛弟三人皆弗克守先業公推田分給者三復代輸徂稅幼弟私取公馬賣之蒼頭來告公曰彼貧也吾老矣策蹇足行何需馬爲公好爲古文詩辭甫脫稿卽被人持

去間有一二存者兩被回祿悉成灰燼嗚呼天蓋欲成公大隱之名也故吉光片羽不使流傳於後世

疏稿

禮科給事中岳峰秀

題爲撫臣劾疏當亟圖其寔不當虐襲其文事臣惟巡撫分省受

朝廷封疆重寄凡有叅劾無不褫審必寔寔有補於國計有救於民生乃亟行入告而無愧近見撫臣之劾州縣官也千章一類動則曰府某道某藩某臬某揭報合之訪聞與臣無異是揭報齊而後行訪聞耶抑勅聞切而又取揭報耶層疊商酌務在雷同則調停汶上縣志

卷之六

藝文

五

中止瞻徇姑容之事所不免矣臣閱邸報見州縣官革職追欠產盡請豁者每每盈千及萬是侵盜官銀尙且如此而歷年逾時詐害小民之脂膏者又誰爲之查筭又誰爲之找補也與其揭叅於罄產難償之後何不揭叅於經手侵盜之初與其揭叅於貪酷汜濫之時何不揭叅於詐害纔行之日借曰撫臣之耳目有限則藩臬綜核經一年而不知有司之侵盜官銀詐害民生也所謂分任稽察者何事借曰通省之寫遠難周則該道本府切近州縣經半年而不知有司之侵盜官銀詐害民生也所謂監司統率者何職

臣以爲嗣後撫臣劾疏必明書某年月日據府道藩臬揭報其揭報事款亦必明書某有司某年某月過犯直達撫院取回文以爲左券如有司過犯經半年府道未行揭報或訪聞或告發卽當併參府道如有司過犯經一年藩臬未行揭報或訪聞或告發卽當併參藩臬如府道藩臬俱經揭報撫臣徇庇不卽題參或被發覺或被糾參查其揭報後遲三月遲五月作何倍加處分至於過限不揭報之府道藩臬或被撫臣併參或被另日發覺無論現任離任立行降調縱有加級紀錄不准復還抵銷庶幾各出精神痛汝上縣志

卷之六

藝文

三

睿鑒施行

禮科給事中岳峰秀

題爲曲直詞訟無可辨事 臣惟詞訟一節係民生之休戚關 國家之勸懲是非明則善良吐氣曲直混則奸宄逞兇非細故也邇來督撫司道以人命盜案爲重大戶婚田土鬪鬪爭訟鄙而不問矣州縣官之庸懦者不耐煩劇曠日累牘束之高閣而貪狠者又

借刁告爲詐騙殷富之端所以百姓冤枉莫可伸訴
准一狀必送銀幾兩審一詞必投入包管且不恤官
箴濫交匪類出入官宅流連私舍主文掌家串通市
井每每以詞狀爲酬答戲酒賚發交遊之奇貨殊不
思州縣乃父母官不能爲兒女伸冤反繫頸而授之
他人使出金錢以壯行色不稱指卽枉法繩之此豈
獨 國憲之不容當亦天理人心所不載也百姓屈
極偶有奔訴府道者又以爲越訴犯條款縣官用力
致意府道府道遂批該州縣審結而小民之身命立
碎矣可憐此極窮極懦之百姓惟是哭天無淚捨地
泣上縣志

卷之六 藝文

七

有血從何處敵豪強之囑託從何處辨愚柔之虧苦
也臣以爲宜 勅下督撫嚴飭府道凡州縣官詞訟
不理審斷不公宅門不謹及豪強賁緣包攬詞訟請
託賄賂者一經訪聞告發立行叅究重處其百姓有
以播官害民奔訴府道者再不許府道仍批州縣庶
百姓有望天見日之時而豪強無凌孤暴寡之勢矣
此督撫之訪察下屬者固當問其人命盜案之結不
結尤當問其戶婚田土之理不理也如果 臣言可採
伏乞

題爲請禁收麥作麩以重民食事臣惟兵戈大定則富民爲先積穀重農則節儉爲要與其臨饑荒而後議補救無如惜食用以豫重菽粟五穀之中麥爲尤重我

皇上軫念民食令直省州縣設倉積穀此誠聖人治天下之本計也臣備員禮垣思所謂崇節儉抑浮費者如收麥作麩一事習用之不過飲啜之小節合計之寔爲耗費之大端每年麥熟後富戶客商在水陸城鎮地方開店收麥立椿躡麩每一椿收麥多可數千石少亦不下幾百石以一處推之各處糜爛小麥難以數計且麥一成麩別無食用譬如以千萬石麥作麩勢必用萬萬石米造酒我

皇上設粥賑饑憐念窮民婦子有一日求一碗粥而不可得者今乃以天施地生粒粒辛苦無限萬萬之米

麥耗費於沉酒糟粕之場良可惜已卽以酒論饑不可恃以爲食寒不可恃以爲衣民可百日無酒不可

一日無食持八口三日之糧每以償一人一醉之費

而不足民生旣愚又飲狂藥弱者耗財強者賈禍臣每見秋審招冊姦盜鬪傷謀率起於群飲克多逞于

酒後不有以節制之其流將竭極也漢文帝下詔有
言曰水旱疾疫之災無乃末作害農爲酒醴以糜穀
者衆與率意遠思無有所旣目今三春噉噉全望二
麥臣以爲乘此麥前宜勅下督撫嚴飭州縣再不
許富戶客商開店收麥立椿躡麩如有故違槩行處
分留民間無數億萬之麥石卽留民間無數億萬萬
之米石下以救水旱饑荒上以備軍需採買爲有益
也如謂京都大郡自釀不便麩無酒少沽飲爲難却
令農家隨便造麩貸之商賈許其開店賣麩不許收
麥躡麩道路販麩過二千觔者罪而沒入之如褐臬
汝上縣志

卷之六

藝文

无

絲布之類歸其利於田家是亦崇本抑末之一端矣
如果臣言可採伏乞

睿鑒施行

採訪汶誌小引

邑人趙

增兵部督補主事

按汶邑舊無誌正德間王蜀山先生作中都故實集斷後萬曆戊申邑侯栗公博訪廣詢敦請曇山王老先生等成之文辭典雅事義切實無浮譽無虛詞汶誌稱善歷今八十餘年興廢治亂幾歷滄桑其間田地之荒闕人民之存亡節義之淹沒幾不可考余私爲延求畧誌其端名爲汶誌續編紀畧以俟後之君子表彰而著明之

稿存本家未刻新志多採擇於此者

刑部尙書聊城任克溥林氏傳

林公諱盛梅字際鼎號文水乙酉科同門友也天性仁厚狀貌魁梧爲文萬言立就吾同榜首屈一指公幼失怙恃依繼祖母劉氏事如生母及膺鸚薦劉勸就選南宮跪告曰梅非祖母何以有今日祖母無梅何以終餘年堅辭弗往人咸謂李令伯復見於今及劉逝服闋就選銓部余時方擢刑科曾執手曰公何車駕遲遲乃爾公曰向祖母在不敢少離及授粵東茂名令至則清詞訟損火耗振興學校復將官署食用供給里下一切陋規悉行革除以故民有慈父嚴

汶上縣志

卷之六

藝文

三

師之頌吾曹方欲交章以薦俾其大展所學不料遽損館舍其棺木含殮皆爲士民助給輿視旋里茂人執紼以前者數千至今建祠以祀焉維時仲子隨任長子宗仁字伯居者仁厚亦如其父甫十五齡以第一入庠畱之居家事母撫弟伯居果能視無形聽無聲克養母志酷似其父之孝劉也其撫幼弟宗礼宗智教訓嚴明悉食餼有成厥後宗礼父子祖孫相繼偕下伯居悲傷成疾遂以四子世勲繼叔嗣又以宗義之孫繼其子邑令吕公親式其廬旌其孝友伯居謙讓曰吾人讀聖賢書幸免不孝不友足矣何旌之

有固辭弗受其雅量過人又如此仁孝忠義萃於一門父子作述孚乎衆志爰爲合傳一以楊世德一以礪風俗云

龐梅卿父子合傳

邑人郭文亮貢生

龐岷宇梅卿食餼郡庠明兵部主政堯封公侄孫也負姿聰穎究心經史恒抱大志屢試未售鄉鄰悉爲抱屈一生孝友克敦忠厚貽謀後緣 魯府姻誼獲其秘藏遂施藥濟世雖夜必起雖食必吐寒暑不變至八十餘歲不輟也公有五男長名開先奪幟武闈次名述先顯先俱遊泮水肇先見先悉列藥榜又以汶上縣志 卷之六 藝文

三

子開先貴蒙覃恩誥封明威將軍里人咸謂積善之慶云他固穎異開先字振公者生平行事允卓卓可紀識畧遠達氣象竒偉事親維孝待弟維友髫年舉鄉薦勲事兵曹凡有疑難悉遣辦焉司馬折公嘉其幹才奏授陝西安遠營守府蒞任清潔勤慎勸墾給種民獲粒食免越境糴運之苦建學明倫士習禮教知君親尊長之義一時歡呼感恩不忘於堡外立石勒有勸墾給種婦子飽食創設義學教訓子弟等語之頌迄今石碑歸然又于諸弟任之未成就者悉成就焉允中盡之罔愧孝友之克敦者他若鄉黨解排一族輯睦情意周詳則又指不勝屈也

重建餘韻樓記

康熙五十八年

西泠聞元灵

邑令

古者麗譙之設以懸鐘鼓所以定刻漏別昏曉謹虞防齊民志也內而王都外而郡縣都鄙皆設爲樓由來尚矣汝之有是樓也始曰五椿譙樓更名中都餘韻初建於縣門後移左腋蓋巴蜀趙公所相度而築焉者也一葺於永清張公再葺於任栗公詎今百有餘歲飄搖風雨荒臺僅存余於戊子承乏是邑地苦衝疲每以不克勝任是懼十餘年來夙夜兢兢今者民事孔殷而漸以理矣人情難馴而漸以習矣思芹宮之荒頽而新之念雉堞之崩敗而固之且也築次上縣志

卷之六

藝文補

三十一

橋梁以利寒涉肅廟貌以衛民生脩舊志以光國典廢者興缺者補凡所頽敝漸次釐舉獨餘韻一樓聽其傾圮不問不惟無以懸鐘鼓亦非所以壯觀瞻也於是庀羣材鳩衆工卽遺址而重構之臺榭廣袤楹廈軒殿一如昔制詎敢自多率舊章以垂永久云爾客有謂余曰同一麗譙樓也內而王都外而郡縣都鄙所在皆有此獨顏之餘韻者何豈先師爲中都宰而流風千載不泯歟抑後之蒞斯土者仰企聖治而懋績異政可垂無窮故取此以志不忘歟余曰唯唯否否是皆不具論也於是乎記